



HERALD OF SCIENCE NO. 9



BURNDY  
LIBRARY

*Chartered in 1941*

GIFT OF


BERN DIBNER


*The Dibner Library  
of the History of  
Science and Technology*


SMITHSONIAN INSTITUTION LIBRARIES



E. istis facti. h. h. h.  
Contabrigensis. Anno 166







CRISTIANI HUGENII  
ZVLICHEMII, CONST. F.

S Y S T E M A  
S A T V R N I V M,

*sive*

De causis mirandorum S A T V R N I  
Phænomenon,

Et

Comite ejus


PLANETA NOVO



HAGÆ-COMITIS,

---

Ex Typographia ADRIANI VLACQ.  
M. DCLIX. 15



SERENISSIMO PRINCIPI  
L E O P O L D O  
A B H E T R V R I A

*Christianus Hugenius S. D.*



Es in cælo remotissimas, extraq; hominum conspectum positas, nisi cum ab arte sibi auxilium adsciscunt, hoc opusculo persequor, Princeps Serenissime, nec dubito quin multis nimia diligentia versatus dicar in his quæ tam parum ad nos attinere arbitrantur, cum eorum quæ hîc coram & in propinquo nobis sita sunt, plurima investigatu digna supersint. Verum hi parum attendere videntur, quanto præstet cæteris omnibus sublimium rerum consideratio, quamque hoc ipsum præclarum sit, ad tam longe dissitas naturæ partes contemplationem

(2)

mitti;

mitti; quæ licet visu obscuræ & exiles, reipsa  
tamen illustres multoque maxime existunt.  
Nam si quod procul absunt, ideo parum ad  
nos pertinere illas putemus, indigni profecto  
simus mente rationis participe, qua facile im-  
mensa cæli spatia transcendimus, indigni etiā  
egregio illo, nec vñquam satis laudato, propa-  
gandæ visionis invento, quo ad astrorum re-  
gionem ipso quoq; oculorum sensu pertingi-  
mus. Cujus quidem inventi beneficio ad lon-  
ginqua Saturni regna proprius nunc quam an-  
tehac quisquam adivi, & vsque eò progressus  
sum, ut vasti adeo itineris, pars vna centesima  
tantummodo reliqua fuerit: quā si quo pacto  
superare potuisssem, quot qualiaque, dij boni,  
narranda haberem! Nunc autem ea perscribo  
quæ ex intervallo isto notare oculis valui,  
quæque & ipsa miranda esse & relatu dignis-  
fima nemo diffitebitur. Quem enim non ad-

miratio

DS

miratio capiet, vbi Saturnum annulo circum-  
datum ac velut corona redimitum viderit: at-  
que hanc eam formam esse, quæ, cum perpetuo  
eadem sit, diversas tamen facies induat, & per-  
tinaciter hactenus conjecturas Astronomo-  
rum frustretur. At neque hoc minus novum  
atque inopinabile omnium auribus accidisset,  
Planetā aliquem non antea visum in cælo re-  
pertum esse, nisi novitatis gratiam stellæ Me-  
diceæ abstulissent. Verum hic noster Saturni  
accola, quo diutius latuit, majoriq; molimine  
ad terram deducendus fuit, eo magis deprehē-  
so gaudendum est: quodque vnuis hactenus  
desideratus, cumulum nunc tandem erran-  
tium stellarum explet, numerumque earum  
duodenarium; quo majorem post hac reper-  
tū non iri, prope est ut confirmare audeā. Cer-  
tè jam majoribus illis ac primarijs, inter quos  
Tellus hæc reponenda est, æquales multitudine

minores existunt, & utriusque illo, quem perfectum dicimus, numero continentur, ut consilio summi opificis modus hic praefinitus videri possit. Cæterum multiplicem contemplandi materiam, Philosophorum ingenij circa hæc cælestia corpora exorituram, quibus veluti nova accessione mundum auximus, non persequar. Vnum hoc inanimadversum eos prætereire nolim; nempe quam non leve argumentum ad astrensum pulcherrimum illum mundi universi ordinē, qui à Copernico nomen habet, Saturnius hic mundus adferat: si enim gravatè olim isti systemati assentientibus, scrupulum demere potuerunt quaternæ circa Iovem repertæ Lunæ; manifestius vtq; nunc eos convincet vnica illa circa Saturnum oberrans, atque ob hoc ipsum quod vnica est, nostratis Lunæ similitudinem magis exprimens: vt omittam nunc aliam quoque Satur-

nij

nij globi cum hoc nostro cognitionem, quam  
in simili axium utriusque inclinatione inveni-  
ent Astronomiæ periti. Quæ sanè cum mecum  
reputo, fieri non posse videtur, vt veritatem  
hisce in rebus tam feliciter repertam, tamque  
manifestis indicijs fultam, ulla ætas obliterare  
valeat, quam diu modo observationum Galilei  
aut nostrarum aliqua memoria supererit. Has-  
ce igitur vt ab oblivione vindicarem, vtque  
deficientibus forsan olim organis quibus eas-  
dem repeterere liceat, esset tamen vnde aliquan-  
do extitisse probari posset, hac qualicunque  
scriptione publicandas censui, omnibusque  
impertiendas. Quod autem Celsitudini Tuæ  
commentarium hunc inscripserim, feci id non  
vna ratione. Namque in primis celebritatem  
claritatemque ei non exiguum ab Illustrissimo  
nomine tuo acquiri posse credidi; cuius cum  
per orbem vniversum, quā modo aliquis vir-  
tuti

tuti aut humanitati locus est, latè fama perva-  
serit, librum hunc tibi nuncupare, hoc est ve-  
lut in edito cunctisque conspicuo loco cum  
deponere. Deinde nec ignorabam quantum  
momenti accessorum esset invento illi nostro,  
quo perplexa Saturni mysteria exponere co-  
natus sum, si exactissimo tuo judicio illud  
probari contingeret: quod utinam non fru-  
stra speraverim. Sed ante omnia occasionem  
aliquam me invenisse gavisus sum, neq; omit-  
tendam duxi, qua palam commemorarem  
quantum tibi, Princeps Celsissime, artes di-  
sciplinæque optimæ, & in his Mathematicæ  
præsertim debeant, quod contra invalescentē  
indies barbariem patronum ijs ac defensorem  
te præstas, quodq; familiariter eas colendo, ac  
velut in contubernium tuum admittendo,  
plurimum dignitatis ipsis concilias: quod de-  
niq; præstantissimorum ex omni antiquitate

Auto-

Autorum scriptis in vitam revocatis easdem  
promoves ac locupletas. Nempe ad hæc faci-  
enda, & illustria majorum tuorum exempla  
& innata virtus & egregia animi tui propen-  
sio te impellunt. nos autem ad quos optimæ  
hujus tuæ voluntatis curæque utilitas perve-  
nit, grato animo illa agnoscere & prædicare  
æquum est. Hagæ Comitis. 5. Iulij. Anno  
1659.

B

NICO.

NICOLAI HEINSII, D. F.

Ad Auctorem Systematis.

**L**audibus Hugeni pars addite magna paternis;  
Quem totum Vranie vindicat una sibi.  
In cunis placiti reptare per avia cali,  
Astra tibi puero volvere ludus erat:  
Astra minus patrijs non trita penatibus olim;  
Cognita natali non minus astra solo.  
Iamque eadem populis mirantibus astra recludit,  
Perspicua ingenij lumine facta tui.  
Qualis sidereo radiatus in aethere Titan  
Opposita nocti spargit ubique facem.  
Ardue stellantis salve metator Olympi,  
Qui super a nobis das regione frui:  
Per quem, discussa dubiae caligine mentis,  
Inserimur liquido cominus ora polo.  
Devocat in terras magico sine carmine, Lunam  
Æqua Syracosio cui manus arte seni.  
Ecce Iovis genitor tenebroso carcere per te  
Et fugit, & latam rursus oberrat humum.  
Macte ausis studioque; Deos qui vindice charta  
Afferis: inventi qui facis astratui.  
Nunc sua Saturno cum vincula demseris ipsis;  
Sacra tuum terris aurea manus cunt.

## In idem Saturni Systema.

**O**Mnia qui magni dispexit sidera Mundi,  
Viderat hac oculo detiliore Conon.  
Attigit illa Conon miris adjutus ab alis,  
Attigit, & visu nobiliore, meus.  
Perque vias Luna, per, qua Cyllelius errat,  
Volvitur & Veneri Martia flamma comes;  
Quique nitet famulos inter tot Iupiter ignes;  
Lumina falcigeri misit ad astra Dei:  
Et didicit vario quare mutabilis ore,  
Ludat in obscurâ mobilitate Senex:  
Quod frontem diadema premat, quo, Circulus illi  
Aureus, infauustum cingat honore caput:  
Qua noctes ibi Luna regat, quæque, emula nostræ,  
Expleat amissum Cynthia luce diem.  
Nec satis hac viduisse sibi miracula, testes  
Convocat, & visis querit ubique novis.  
Noluit hac nostros fugerent arcana nepotes,  
Ignaros cœli nec finit esse sui.  
Amplas satis Iuveni est, ut debita, gloria merces,  
Vocibus innumeris quam sua fama sonet;  
Gloria sideribus quam convenit esse coævam,  
Et tantum Cœlo commoriente mori.

CONST. HUGENIVS. C.F

## ERRATA

Pag. 7. lin. 9. lege insidere. Pag. 12. & 13. observationibus diti 10. Apr. & quatuor sequentibus, stellac iusto altius posita est. Pag. 13. lin. 13. lige sequentes. Pag. 20. lin penult. lige  $\frac{1}{2}$ . Pag. 26. lin. 13. lige loco. Pag. 27. lin. 3. lege ponimus. Pag. 36. lin. 20. lige dubitandum. Pag. 37. lin. 2. lege anni. Ibidem. lin. 4. dele comma. Pag. 38. lin. 10. & 13. pro octava lege nona & ibidem lin. 18. pro duodecima lege tertiadecima. Pag. 56. lin. 7. lige latissima: Ibidem lin. 16. lege ellipsis: Ibidem lin. 18. in margine post Saturnum adde motus: Ibidem lin. 21. lege latissima: Ibidem lin. penult: lege sesquialteram. & lin ult. lege quam diximus Pag. 62. lin. 4. lege haec in F. vel cum diversas partes respectu A C continent, velut cum Saturnus est in N, Tellus in f; utroque casu &c. Ibidem lin. 20. pro atque lege utque. Pag. 66. lin. 7. pro F repone f.

CHRISTIANI HVGENII

ZVLICHEMII, CONST. F.

# SYSTEMA SATVRNIVM.



VM ad cælestium contemplationem tubos opticos , nobilissimum Belgicæ nostræ inventum , Galileus admovisset, celeberrimaque illa Planetarym phænomena mortalibus primus aperiusset; in his, ea quæ de Saturni stella prodidit, vel præcipue admiratione digna fuisse videntur. Nam cætera quidem, et si suspicenda merito ac magni facienda, non tamen ejusmodi erant, ut, quibus de causis talia cernerentur, enixè quærendum esset. Saturni vero mutabiles figuræ novum quoddam & reconditum naturæ artificium præferebant, cuius certè rationem neque Galileo ipse, neque tanto post tempore Astronomorum cuiquam (pace eorum dixerim) divinare contigit. Hunc primò non simplici orbe lucentem, sed veluti tergeminum conspexerat, binis stellis minoribus mediæ majori proximè utrinque adjectis. Eaque formâ triennio fere absque ulla mutatione perseverante, certò sibi persuaserat, quales Iovi quatuor, tales duos comites Saturno obtigisse, nullo tamen motu præditos, eoque simili positu semper lateribus hæsuros. Verùm sententiam mutare coactus est, solitario Saturno prodeunte, ac priore satellitio penitus destituto. Quod cum admirabundus vidisset & causam rei conjectura asiequi tentaret, de reditus tempore, quo prior illa phasis restituì deberet, nonnulla vaticinatus est. Sed neque hæc ita tunc successisse quemadmodum speraverat deprehensum est, nec gemina modò aspectus diversitate Saturnum contentum

tentum esse. Etenim aliæ deinceps mirabiles ac prodigiostæ formæ apparuerunt, quas primum à Josepho Blancano & Francisco Fontana descriptas novimus; adeo quidem insoluta specie, ut multis oculorum ludibria censerentur, imaginesque vitris potius quam celo hærentes: donec pluribus eadem videntibus, haud vano indicio proditas fuisse constituit.

Igitur ipse quoque ad hæc celi miracula conspicienda magno desiderio aëtus; cum non nisi vulgaria suppterent perspicilla, quinum aut senum pedum longitudine, artem eam qua vitra in hosce usus figurantur quanta potui cum cura diligentiaque excolere aggressus sum, nec piguit ipsummet operi manus admovisse; quoad multis superatis difficultatibus (nam plures in recessu hæc ars habet quam prima fronte præferre videatur) ea denique vitra mihi effeci, per quæ ad hæc scribenda præbitum est argumentum. Continuo enim ad Saturnum telescopia dirigens, aliam ibi rerum faciem reperi, quam plerisque antehac fuerat credita. Nam quæ vicinæ illi hærebant appendices, eas non sane geminos planetas, sed quidvis potius aliud esse, diversum vero ab his unumque numero planetam, majori intervalllo à Saturno remotum, diebus sexdecim circa eum ambire apparuit; & hunc quidem omnibus antehac seculis ignoratum. De qua nova nostra observatione tribus abhinc annis Astronomos certiores feci, prudenti consilio obsecutus viri Illustris, ingenioque juxta ac virtute conspicui, Joh. Capelani. Huic enim, uti & Gassendo alijsque, cum Lutetiae Parisiorum agens, de Saturni comite à me viso narrasset, multas ob causas censuit, non reticendum tam gratum omnibus futurum nuncium, quoad illud quod meditabar integrum Saturni Systema perscripsisset. Itaque anno 1656 die 5 Martij, de Saturni Luna (ita enim novam stellam nec immerito appellavimus)

vimus) observationem emisi, atque unà hypothesin quæ causam reliquorum Saturni phænomenon contineret; sed hanc confuso elementorum quibus scribebatur ordine, quo tantum, non ignorasse nos eam illo tempore, testatum esset, alijque etiam ad vulganda quæ commenti essent hoc pacto invitarentur, neque sibi præceptam quererentur inventionis gloriam. Deinceps vero rogatu ejusdem Viri eximij, solvi quoque hunc literarium gryphum, totamque hypothesin summatis illi exposui: unde jam ad plures forsitan nostra de Saturni phasibus sententia manaverit. Sed pleniorē utique tractationem postulat mira & insolens circa hunc planetam naturæ fabrica, neque expectare debemus ut vel à nobis relatis, vel ad explicanda phænomena assumitis, fidem omnes habeam, nisi & hæc rationum momentis, & illa observationum testimonio adstructa viderint. Quamobrem horum utrumque nunc præstare nobis propositum est. Ac primò quæ ad comitis planetæ motum periodumque spectant accuratè, quantum fieri poterit, ex observatis definiemus, motusque ejus tabulas condemus. Deinde ipsius Saturni phases singulas suis causis assignabimus, ita ut futuras quoque inde prænoscere in promptu sit.

Sed antequam observationes exhibeamus, de telescopijs nostris quibus cælo eas deduximus, pauca referre expediet, ut sciant hinc, qui comitem Saturni, mirabilesque Planetæ ipsius figuræ intueri cupiunt, qualibus ad hoc tubis vitrisque indigeant; utque suos si quos habent, possint cum nostris contendere. Primus quem adhibuimus duodenos pedes non excedebat, duabus convexis vitris instructus, quorum id quod oculo vicinum erat, radios parallelos cogebat ad trium paulo minus pollicum, sive unciarum pedis Rhenolandici distantiam. Eo planetam novum & deteximus primùm, & per aliquot menses observavimus, nec non formam eam Saturni,

turni, quæ à nemine adhuc percepta fuerat, quamque postea describemus, licet non pro�us erroris expertem. Inde verò duplicita priori longitudine, simul duplo propiores sideribus facti sumus, multoque melius faciliusque phœnomena omnia adnotavimus. Et hi quidem tubi 23 pedum, è ferri bractea constructi sunt, habentque ab altera parte vitrum insertum, cuius latitudo ad quatuor pollices, sed in quo non major pateat circulus quam diametro duorum pollicum cum triente. Ab altera parte, quæ nimurum oculo admovetur, bina sunt vitra minora, 1 $\frac{1}{2}$  pollicem diametro æquantia, juncta invicem, quæq; hoc pæto æquipollent convexo colligenti radios parallelos ad intervallum unciarum 3, aut paulo etiam angustius. Ex quo sanè majoris vitri excellētia æstimanda est, tam breve convexum perferre valentis: quoniam quanto minori de sphæra id fuerit, tanto res visæ magis ampliantur. Illud enim in Dioptricis nostris demonstratum invenietur, specie per tubum visæ ad eam quæ nudo oculo percipitur, hanc secundum diametrum esse rationem, quæ distantiae foci in exteriori vitro ad illam, quæ in interiori sive oculari vitro est, foci distantiam. Centuplam itaque fere rationem hanc in perspicillis nostris esse constat, cum Galileana non ultra trigecuplam processerint. Nam quantitatem incrementi eodem modo nos atque ille æstimamus, nempe ut tanto major res quæque per tubos quam nudo visu conspici dicatur, quanto majori angulo ad oculum extrema ejus deferuntur, sive quanto latior ejus imago in fundo oculi depingitur.

*Quantum  
ij res visæ  
ampli-  
catur.*

*Augmen-  
tum tele-  
scopio per-  
ceptum  
quomodo  
estimerur.*

*Alia ejus-  
dem falsa  
estimatio.*


Est autem & alia æstimandi augmenti ratio, sed parum ex vero, cùm absque ulla anguli consideratione apparentem perspicillo alicuius rei magnitudinem determinamus; velut cum Jovis orbem circello duorum aut trium digitorum latitudine æqualem nobis cerni putamus. At enim cum idem circulus, trium puta digitorum diametro, major minorve necessario

cessario appareat , pro diversa sui ab oculo distantia , nonne etiam adjiciendum sit , quanto ex intervallo conspectus circulus disco Jovis æqualis cernatur ? Profectò nisi hoc addatur , nihil certi ea comparatione designari videtur . Et tamē ratio subest cur magis una quepiā quā alia magnitudo imagini visę tribuatur , & quidem à pluribus sàpè spectatoribus eadē . Verūm de his aliàs fortasse . In præsentia illud ostendisse sufficerit , fallacem omnino esse hoc modo initam æstimationem . Idque primùm inde liquet , quod Lunā aut signo aliquo cælesti , velut Orione , prope horizontem conspecto , idem longè majus visus judicet , quā ubi altè jam ac supra verticem penè adsliterit , cum tamen hīc nihilo minori angulo illud comprehendendi certum sit . In his autem quæ telescopio intuemur major adhuc error contingit . nam cum exempli gratia , vel triplo latior secūdum diametrum apparcat Jupiter , oculo altero per telescopium nostrum speclatus , quam Luna oculo altero vacuo , atque adeo utrāque hac specie , in unum convenire jussâ , latè à Jove Luna contegatur ; nihilominus cum seorsim Jupiter inspiciunt , trium circiter digitorum latitudinē plerisque spectatoribus æquare tantummodo existimatur . quanquam aliquos repererim qui disco Lunari æqualem faciebant , atque ita tertiam partem saltem tribuebant ejus quæ re ipsa apparet amplitudinis . Quamobrem de multiplicatio ne telescopij malè hoc modo inquiri certum est . Fiet autem rectè Galilei methodo , quam in Sidereo nuntio tradidit ; vel , quia hæc in prægrandibus telescopijs difficultatem habet , inquirendo foci distantias in singulis vitris , easque inter se comparando . Qua ratione diximus centuplum fere augmentum tuborum nostrorum reperi.

Cæterūm libenter intellecturos credo qui hæc legent , quælia etiam corum ope de reliquis præter Saturnum planetis fixisque stellis observaverimus : de quibus breviter ergo hæc habeant.

habeant. In primis saepe illud quæsivimus, num aliqui etiam apud Venerem, Martem aut Mercurium comites circumferrentur, ubi tamen nullos unquam reperimus. Apud Jovem autem quatuor neque amplius. Qui quidem semper ac facile telescopio nostro patent, nisi cum disco suo aut umbra Jupiter aliquem abscondit. Inde vero quamprimum rursus emergete incipiunt fiunt conspicui, immo priusquam toti exierint, ut non semel me vidisse memini. Porro quæ in Jove zonæ seu fasciæ quibusdam animadversæ sunt, non semper cùdem formâ præditæ; has ego & qui mecum observarunt perspi-

*In Iovis  
disco zo-  
nae can-  
dicantes.*



cuè sepe animadvertisimus reliquo Jovis corpore magis lucidas, cum tamen alij obscuriores afferant; quibus forsitan interiectum spatium inter binas zonas lucidiores pro una obscuriore fuerit. Atque anno quidem 1656, multo majori intervallo, quam sequentibus tribus, illas à se mutuo distare compemus, sicut in adjunctis delineationibus videre est. Quia ex instabilitate non malè forsitan colligemus, ad instar nubium nostrarum, vapores quosdam vicinum Jovi ætherem incidere, qui nunc his nunc illis climatis cœbri magis confertique exoriantur.

In Marte quoque cingulum ejusmodi unicūm anno 1656 in Marte zona ob-  
deprehendi, latum admodum, medianaque disci partem of-  
fuscan, quemadmodum figura adjecta demonstrat. Insu-  
per discum planetæ hujus parte aliqua deficiente vidi ali-  
quieties, & in Venere phases omnes quales Lunæ. Verum  
hæc minoribus etiam telescopijs alij notarunt.

Fixarum  
diametri  
nulla la-  
titudine.

Fixarū autē diametros etiam maximè splendidarum nulla unquā latitudine cernere potui, sed tantū minimi puncti in-  
star, quoties vitris usus sum fuligine leviter infectis ad aufe-  
rendos radios. At ex Hevelij consilio, quod in egregio ejus extat opere Selenographicō, exterius vitrum contingens, ita ut exiguū tantum foramen relinquatur, aliquam magnitudi-  
nem præ se ferre illas vidi; quam proinde non stellarum pro-  
priam esse, sed ex aliqua visus fallacia nasci arbitror. Nam nostra quidem illa methodus, trans fumum, quo lens proxima oculo tincta est, stellas inspiciendi certa est omnique er-  
roris suspicione carens; atque ita planetas quoque nimia luce  
radiantes, solemque ipsum intueri solemus. Foramine au-  
tem exiguo majorem lucis partem excludendo, non tolli  
penitus circumfusos sideribus radios, sed in orbem minorem  
satisque perfectè circinatum eos cogi opinor, qui impruden-  
tibus pro ipsius stellæ corpore imponat.

*Phæno-  
menon in  
Orione  
novum.*

Unum verò circa fixas phænomenon relatu dignum occurrit, à nemine hucusque, quod sciam, animadversum, nec quidem nisi grandibus hisce telescopijs rectè observandum. In Orionis ense tres stellæ ab Astronomis reponuntur inter se proximæ. Harum medianam Anno 1656 fortè per tubum inspiciens mihi, pro stella una duodecim (quod quidem minimè novum) sese obtulerunt; eo positu quem subiecta figura expressimus.



Ex his autem tres illæ pene inter se contiguæ, cumque his aliæ quatuor, velut trans nebulam lucebant, ita ut spatiū circa ipsas, qua forma hîc conspicitur, multo illustrius appareret reliquo omni cælo; quod cum apprimè serenum esset ac cerneretur nigerimum, velut hiato quodam inter-

interruptum videbatur, per quem in plagam magis lucidam esset prospectus. Idem vero in hanc usque diem nihil immutata facie saepius atque eodem loco conspexi; adeo ut perpetuam illic sedem habere credibile sit hoc quidquid est portentum, cui certe simile aliud nusquam apud reliquas fixas potui animadvertere. Nam ceterae nebulosae olim existimatae, atque ipsa via lactea, perspicillo inspectae, nullas nebulas habere comperiuntur, neque aliud esse quam plurium stellarum congeries & frequentia.

In Lunae facie autem quam multa, diligentissimis quibusque observatoribus praeterita, tubis nostris detegantur, non referam; quandoquidem schemate ad hoc descripto opus esset, coque amplissimo. Quem laborem haecenus non suscepimus, credimusque exiturum in immensum, si montium omnium eminentias & anfractus, qua multitudine nobis videntur, depingere conemur. Itaque ad Saturni observationes pergo, de quibus sciendum est, priores omnes, usque ad eam quam 19 Febr. Anno 1656 annotavimus, tubo 12 pedum peractas esse, reliquas pedum 23. Vtique autem everso situ visibile referebant, ideoque schemata omnia, non ut primum descripta fuerant, hic expressimus, sed supera inferis, dextra sinistris permutavimus, ut vera pateret dispositio.

Die igitur secundum Calendarium Gregorianum, 25 Martij, Anno 1655, circa horam 8 vespertinam, Saturnum conspexi cum brachijs utrinque secundum rectam lineam extensis; tribusque fore scrupulis ab eo distantem

Circa Sa-  
turnum  
obser-  
vations.


occasum versus stellulam quandam exiguum a, sic sitam, ut

B

fi


si per brachium utrumque recta duceretur, ea in illam incurreret, aut certè pauxillo tantum inferior transiret. Alteraque item versus orientem stellula *b* aderat, paulo longius à Saturno remota, & brachiorum lineâ multo inferior. Et hac quidem prima vice suspicatus sum stellam *a* Saturnum commitari, quoniam aliâ quoque vicinam illi animadverteram, similique fere positu.

Porro brachia Saturni rectâ quidem utrinque extensa cernebantur, sed versus extremas cuspides crassiora paulo quam qua parte Saturni disco cohærebant, qualia sequens schema exhibet.



Eâque formâ usque ad occasum Heliacum Saturnus persistit. Cæterum cum post phasin rotundam Anni 1656 brachia denuò recepisset, eadem quidem illa forma reversa est duodecempedali tubo spectanda: sed tunc majori tubo 23 pedum adhibito alteram hanc figuram veriorem esse patuit;

unde



unde antea quoque talem extitisse credibile fiebat, quæ tam  
men minori telescopio perfectè conspici nequissit. At li-  
neam illam obscuram, brachia utraque conjungentem, ac  
tota tamen infra se relinquente, etiam 12 pedum teleco-  
picio uotavimus.

Die sequenti, necimpe 26 Martij stellā *a* eodem modo ea-  
demque quia prius distantia juxta Saturnum collocata erat,

*b* verò duplo quam ante  
remotior. Unde, quum di-  
stantia inter se stellularum  
*a* & *b* major esset effecta,  
sequebatur vel utramque  
vel alteram saltem errati-  
cam esse. Et stellam qui-

dem *a* necessario talem judicavi, quoniam Saturnum eo  
tempore retrogradum esse noveram; itaque oportebat cum  
Saturno illam in eandem plagam delatam esse, quum alio-  
qui propinquior multo fieri debuisse. Altera vero *b*, quo-  
minus fixa censeretur nihil obstabat, imo prorsus ita exi-

stimari consentaneum erat, cum una die tantum ab illa Saturnus recessisset, quantum motus ejus postulabat. Neque verò aliter se rem habuisse sequentes observationes ostendunt.

Martij 27. stella  $\alpha$  Saturno propior facta erat:  $\beta$  verò adhuc longius recesserat.

\*  
Inde nubili dies  
intercesserunt usq; ad.  
3 Apr. quo die fixam  
 $\beta$  non amplius anno-  
tavi, sed stellula  $\alpha$   
migraverat ad Saturni  
latus Orientale, rursusque fere 3 scrupulis distabat.

a\*



Quinque diebus sequentibus, rursus ut ante impeditæ  
observationes,

9 Apr. denuo ad occidentem situs erat comes  $\alpha$ . sicut  
27 Martij, fixaque altera  $c$  à parte orientali Saturno  
admodum propinqua animadvertebatur, uno circiter

\* $a$ 

c\*

scrup. distans, lineaque brachiorum, uti præcedens, in-  
terior.

10 Apr. Saturnus à fixa  $c$  longius abscesserat, & comes  
 $\alpha$  Saturno.

\* $b$ 

c\*

Dicbus

Diebus duobus sequentibus aucta fuit continuè distantia  
stellæ  $\epsilon$ , comitis  $\alpha$  eadem fere mansit. Nempe  
11 Apr. hic positus fuit.

\*  $\alpha$  $\epsilon$  \*

12 Apr. talis.

\*  $\alpha$  $\epsilon$  \*

13 Apr. comes videri nequiit; quoniam & Saturno pro-  
pior factus erat, & Luna adventabat. Fixa  $\epsilon$  ulterius semper  
recedebat, sed lentiore passu.

\*  $\epsilon$ 

14 & 15 Apr. comes non apparuit ob viciniam Sa-  
turni.

16. Cælum nubilum.

17. Comes ad ortum situs erat, distans fere 3 scrup.  
stella vero  $\epsilon$  longius abierat, semper tamen oculis notata;

\*  $\alpha$ 

Ac postea quidem eadem ad Saturnum reversa est, ut se-  
quentes observationes docebunt.

18. Apr. comes situm mutasse non videbatur.

19. Apr. paulo propius ad Saturnum accesserat.

\*



B 3

20. Apr.

20 Apr. magis appropinquaverat.




21 Apr. Adhuc magis; cernebaturque ansarum linea  
paulo superior.



29 Apr. Occidentalior Saturno comes factus erat, ac  
tantundem distabat quantum 21. Apr.

Ultima Apr. Comes prope Saturnum delituit.

3 Maij, in quem diem institio Saturni incidit, comes  
in maxima ab eo distantia videbatur, orientem versus.



Diebus insequentibus usque ad 27 Maij, ejusmodi posi-  
tus fuit qualem exhibent schemata subiecta.

6. Maij. \*

7. Maij. \*

10. Maij.

11. Maij.

12. Maij.

14. Maij.

15. Maij.

17. Maij.

17. Maij, Comes non apparuit.

18. Maij. \* 

19. Maij. \* 

20. Maij. \* 

27. Maij, Comes occidentem versus in maxima à Saturno distantia reperiebatur. Saturnus autem jam rursus ad stellam & superius notatam appropinquare cōoperat, remotus circiter 10 scrup. Ita verò nunc posita hæc erat, ut linea brachiorū Saturni continuata subter eam ferretur, cum die 10 Apr. supra transiisset. Sed & Saturni ipsius semita, uti ex sequenti observatione liquebit, stellā & inferior hac vice fuit, quæ priori illius applicatione superior contigerat.

\*<sup>c</sup>

 \*<sup>a</sup>

Ultima Maij, Saturnus stellam & jam præterierat; comes ad occasum situs erat, sed aliquanto propior quam die  
27.

\*<sup>c</sup>

 \*<sup>a</sup>


13 Jun. Ultima fuit ante occasum Heliacum observatio, comes in maxima distantia cernebatur, Saturno occiden-talior.

 \*

rotulquam

*Saturnus  
brachio-  
rum ex-  
pers in-  
venit.*  
Postquam ex radiis Solaribus Saturnus emersisset Anno 1656. Jan. 16, hora 12, primùm à me observatus est, cum ad hoc usque tempus peregre absuisssem. Inveni autem brachiis suis spoliatum penitus, & comitem ad orientem situm, in maxima fere distantia.

\* O



Rotundum autem Saturnum, sub finem Novembris, aliqui jam observaverant, cāque formā perstigit usque dum rursum radios Solis subiret.

19 Febr. tubo 23 pedum primūm usus sum, comitemque Saturno propinquum reperi, ubi priori telescopio zgre potuisset animadverti.

\* O

16 Martij

16 Martij, circa octavam adhuc propiorem Saturno comitem vidi, ad orientem spectantem, uti observatione superiori.

\* O

30 Martij, hora 8, pari propinquitate, sed ad alteram partem comes stabant.

O \*

18 Apr. ad ortum situs erat comes in maxima distantia.

\* O

17 Jun. hora 9 $\frac{1}{2}$  ultimò ea vice observatus fuit Saturnus, satellite versus occidentem adstante, & mediocriter remoto.

O \*


Hicce autem observationibus omnibus quandiu Saturnus rotundus apparuit, transversa illa linea, cæteris disci partibus paulo obscurior, ex æquo medium ejus discum secabat, eratque ad satellitem directa. Et hac quidem observatione 17 Junij habita, primum animadvertis motum Saturni, cum scilicet quo propter telluris vertiginem cum cælo pariter quotidie circumferri putatur, secundum eandem illam incedere lineam.

Eodem Anno 1656, Octobris die 13, manè hora 6, rurus Saturnus videri cœpit, cui jam brachia erant renata; serius quidem quam in observatione edita prædixeram, ve-

C rūm

*Bræchia  
Saturno  
renata.*

rūm haud aliā formā, quæ nimirum eadem planè fuit atque anno præcedenti: licet melius nunc cujusmodi esset discernetur, ob adhibitos tubos præstantiores.



Fascia autem illa seu zona obscurior, paulò inferior brachiorum linea nunc apparebat, cum anno 1655 superior fuisset. Eratque Saturni motus, quo cum cælo corripi videtur, secundum hujus zonæ ductum, ac proinde secundum rectam quoque lineam per utraque brachia protensam, ac semper postea quotquot observationibus idem inquirere libuit, eodem modo rem sese habere compéri. Comes conspici hac vice nequijit, forte an ob ingruentem Solis extortum, aeremque crassiorem prope horizontem.

Die autem 19 Oct. hora 6 mat. apparuit comes Saturno  
occidi-

occidentalior, vix mediocri distantia absistens, quæ diebus  
sequentibus duobus austera est continuè.



21 Oct. hora cùdem, erat comes in distantia maxima  
occidentali.



25 Oct. hora 6. mat. non apparuit comes.

9 Nov. hora 5½ mat. propinquus Saturno comes existe-  
bat, occidentalis rursum, ac linea ansarum paulo superior.




26 Nov. hora 6½ mat. comes latuit. Brachia vero pau-  
lo latiora evaserant, & quà Saturno junguntur, minus in-  
tensa luce quàm versus extremas cuspides lucebant, & hac  
fere specie ad occasum usque Heliacum Saturnus per-  
mansit.

27 Nov. hora 6 mat. satelles ægrè conspiciebatur, ad  
orientem situs, & brachiorum linea superior.




16 Dec. 6 mat. videbatur satelles in maxima distantia  
orientali.



Anno 1657, 5 Jan. hora 12 $\frac{1}{2}$  comes latebat.

18 Jan. hora 12, erat in mediocri distantia, orientem spectans.



A Saturno autem polum versus dimidio circiter gradu distabat fixa 3 magnitudinis, quæ est in ventre Leonis, longitudo respondens Virginis gr. 4.5'. cum latit. borea gr. 2. 49'.

22 Martij hor. 7 $\frac{1}{2}$  vesp. comes in maxima distantia orientali, & ansarum linea paulo superior; linea obscura non satis erat conspicua.

Scripsit mihi Hevelius se quoque pridie hujus diei cometem Saturni observasse ad orientem situm in maxima distantia, quod satis bene cum nostra hac observatione convenit.

29 Martij hora 7 $\frac{1}{2}$  comes erat in mediocri distantia occidentem versus, & in eadem cum brachiis recta.



\*

30 Martij, comes in maxima distantia occidentali.



\*

Qua vespera Hevelius quoque ad eandem partem sibi conspectum asserit, sed difficulter, unde fortasse de distantia minus recte judicaverit, nam 1 $\frac{1}{2}$  scrupulo tantum absuisse à Saturno scribit,

18 Maij

18 Maij, comitem mecum observavit Bullialdus occidentaliorum Saturno, & in mediocri distantia.




19 Maij, proximus Saturno adstabat comes occidentem versus, vix ansarum linea superior.



Anno eodem 1657. 17 Dec. hora 5<sup>ta</sup> manè, quo die primum post ortum Heliacum Saturnum observavi, comes in mediocriter distabat orientem versus, eratque ansarum linea superior. Brachia verò prope Saturni discum ad aperta ac bifida inveniebam, qualia ante non videram, linea quoque obscurâ versus inferiora ulterius promotâ.

*Brachia  
Saturni  
in ansas  
mutari  
cepit.*



Ethac quidem figurâ permansit, donec rursus radiis solis occultaretur.



18 Dec. comes erat in maxima distantia, orientem spectans, & in ipsa ansarum linea.



22 Dec. h. 6 $\frac{1}{2}$  mat. comes non apparuit.

27 Dec. h. 6 $\frac{1}{2}$  mat. comes occidentem versus in maxima fere distantia situs erat, & ansarum linea paulo altior.



Anno 1658. 24 Febr. h. 10, comes videri nequiit.

1 Mart. h. 10, idem comitis situs erat qui 27 Dec.

11 Martij. h. 10, comes difficile conspiciebatur, quippe propinquus admodum Saturno. Orientem spectabat, cratque ansarum linea aliquanto inferior, & quasi sub Saturno transitus.



16 Mart. h. 10 quantum poterat à Saturno comes recesserat occidentem versus, vixque erat ansarum linea superior.



23 Martij

23 Martij, in contrariam partem pene tantundem distabat, linea ansarum rursus paulo superior.



3 Apr. paulo remotior erat à Saturno comes, quam  
11 Martij, & occiduum latus tenebat, lineaque ansarum  
sublimior cernebatur.



Anno eodem 1658. 10 Nov. hor. 6<sup>1</sup> mat. postquam He-  
liace ortus esset Saturnus, jam latius aperiri ansæ videban-  
tur, quanquam ob humilitatem sideris, surgentesque vapo-  
res, & auroræ claritatem non admodum distin&te poterant  
discerni: comes occidentem versus adstabat, remotus ut  
cum maximè ansarum linea non nihil tamen superior.

*Ansæ  
Saturni  
amplice  
patefactæ?*



16 Jan. anno 1659. hora 5<sup>1</sup> mane, comes ad occidente in  
denuo situs erat, non longe à Saturno distans, linea autem  
ansarum integra fere Saturni diametro superior.




12 Febr. 6 mat. tantundem infra lineam ansarum descen-  
derat, occidentalis rursus.



\*


Forma

Forma verò ansarum distincte hac vice percipi potuit, quam figura hæc exhibet;



atque ea ad ultimam usque harum observationum talis extitit.

24 Febr. hora dimidia post medium noctem, comes erat in mediocri distantia, orientem versus, rectâ ansarum paulo inferior.



25 Febr. horâ eadem orientalis denuo comes cœnebatur, una Saturni diametro ab ipso remotus.



14 Martij

14 Martij, hora 12, comes recta fere infra Saturnum ob-  
servatus, unius circiter diametri longitudine distans; paulum  
tamen versus occidentem declinabat.

*comes in-  
fra Satu-  
rum trans-  
iens.*



\*

16 Martij, hora 11, ad latus occiduum positus erat, fere  
in maxima distantia, inferiorque paulo eâ quæ per ansas du-  
citur.



\*

21 Martij, hora 11, rursus ad eandem partem consistebat  
comes, motu latitudinis integra Saturni diametro supra an-  
tarum lineam elatus, longitudinis motu tantum dimidia di-  
ametro distans.

*Id est supra  
Saturnum  
transiens.*

\*



22 Martij, horæ quadrante ante undecimam; rursus inte-  
gra diametro superior erat rectâ ansarum, ac fere supra o-  
rientalis ansæ extremam cuspidem collocatus.

\*



26 Martij, hora 10<sup>h</sup>, comes in maxima distantia videba-  
tur; quam accuratè hac vice dimensus, inveni inter comi-  
tem centrumque Saturni intervallum trium scrupulorum  
primorum, 16 secundorum.



\*

Hucusque observationes, & plures quidem quam ne-  
cessè fuerat, recensui; rem gratam tamen iis me factu-  
rum ratus, qui triennio isto simul forsitan mecum novo


D

Planetae

Planetæ observando vacaverint; quibus procul dubio jucundum erit consensum mutuum suarum cum nostris observationibus deprehendere. Jam enim & Hevelius Gedani eum conspicere ante biennium cœpit, ut supra quoque retuli, & in Anglia D. Paulus Nelius eques cum Clarissimo Wrennio ipso jam Anno 1655, sibanimadversum quandoque afferunt, nec tamen Planetam esse cognovisse donec à nobis essent admoniti. Nunc quo pacto periodum ejus investigaverim, quæque porro ad illam pertinent expediā.

*Luna Sa-  
turniæ  
periodus.*

Pensitatis priorum aliquot mensium observationibus, cum circiter 16 dierum spatio Saturnum à Luna sua ambi ri comperisse; nam quo loca animadversa fuerat 25 Mart. 1655, ad eum sexto decimo inde die rediisse visa est, 10 nimirum Apr. Itemque eodem anno dic 3 & 19 Apr. idem situs fuerat deprehensus; nec non 13 & 29 ejusdem mensis. Hisce igitur animadversis, circulum descripsi orbitam comitis referentem, in cuius centro Saturnus esset, atque in partes 16 distribui, ut Schema subjectum exhibet. In eo comitem, secundum signorum ordinem, circumduxi; nulla tum quidem observatione ut ita statuereim cogente, sed quod in eam partem Luna quoque nostra & Jovis comites deferrentur. Postmodum autem stabilita hypothesi, qua phænomena ansarum explicantur, patuit recte ita hunc motum me constituisse. Porro in hoc circulo locum comitis quærendo quo in prima nostra observatione stetisset, sèpiusque eundem retractando, ut observationibus per id tempus habitis congruerent etiam reliqua loca in circulo comiti assignata; ita demum commodissimè representari omnia visum est, si prima observatione, nempe 25 Mart. 1655, ad numerum 12 comes reponeretur, 3 partibus




partibus cum dimidia, qualium 16 circumferentia continet à loco perigæo B remotus; nam diametrum A B ad visum nostrum vergere possimus, & utrasque hujus epicyclij apsides determinare. Fuerit igitur 26 Mart. ad num. 13, Saturni comes: & 27 Mart. ad num. 14, & 3 Apr. ad num. 5, atque ita deinceps iis orbitæ locis quæ observatis primi anni exactè satis convenient, quanquam aliquid subinde addendum auferendumve 16 dierum periodo existimaverim. Cum autem scirem etiam orbitæ terrestris, qua nos circa Solem ferimur, ipsiusque Saturni motus rationem habendam esse, si accuratè comitis periodum definire velle, proinde sequenti methodo eam deinceps investigavi.

Bina tempora quæsivi quibus in apogæo vel perigæo comes versatus esset; quorum alterum inveni 14 Martij anno 1659, vesperi circa horam octavam. Quia enim hora noctis 12 tantum prætergressus erat locum perigæi quantum ex observatione illo tempore habita apparet, oportet eum circiter octavam in perigæo ipso fuisse. Alterum similem comitis situm colligo contigisse die 23 Martij, anno 1656, ho-

Eadem pe-  
riodus ac-  
curatius  
supputa-  
ta.

et itidem octava post meridiem. Etenim quia die 16 & 30 ejusdem mensis hora 8 p. m.æquali spatio à Saturnoremotus apparuit, quibus diebus circa partem suæ orbitæ superiori versatum constat, sequitur 16 Martij medium locum cum tenuisse inter puncta 1 & 2 circuli modò de scripti; 30 verò Martij medium fuisse inter puncta 15 & 16; quoniam 14 dierum intervallum est. Ac proinde necessario perigæus fuit die 23 Mart. post meridiem circa horam octavam.

Cognitis hisce temporibus describo circulum A B C, qui Saturni orbitam designet, itemque G F orbitam Telluris, in



cujus centro Sol. Saturni locum sumo ad diem 23 Martij 1656, hora 8 post mer. fuisse in A; quo tanquam centro

tro describo comitis orbitam D E L; Tellurem vero eo tempore fuisse in G. Locus itaque comitis erat in D, ubi recta G A circulum comitis interfecat, siquidem perigaeum fuisse constat. Rursus posito ad diem 14 Martij 1659 hora 8. post mer. loco Saturni in B, tellure vero in F; necesse est comitem fuisse in H, ubi recta F B secat circulum ejus N H K. Est autem temporis intervallum inter 23 Martij 1656; & 14 Martij 1659, dierum 1086, quibus Saturnus ab A progressus est ad B: Comitem vero spatio dierum 16 circuitum unum absolvere scio, atque insuper exiguum quid, quod in annis tribus circuitum integrum confidere nequeat. Quum igitur divisis diebus 1086 per 16 fiant 67, atque aliquot dies abundant, apparebant 68 circuitus integros nostri respectu comitem peregrinare, quia in H rursus perigaeus fuit. Sit B K parallela A G. Si igitur 14 Mart. 1659, comes non in H sed in K positus fuisset; sequeretur eum hisce 1086 diebus sexagics octies orbitam suam decurrisse fixarum respectu, hoc est, totidem menses periodicos, sive sidereos potius, Saturni incolis praebuisse. Nam quando rectæ A D, B K secundum quas ex Saturno comes prospicitur, inter se parallelæ sunt, cunctum inter fixas locum illis obtinere cernitur. Nunc verò insuper arcum K H emensus est, qui totidem est graduum quot apparenti motu Saturnus inter praedicta duo tempora transivit; quoniam angulus H B K æqualis est ei quem constituant rectæ F B, G A, motus apparentis indices; isque motus ex Ephemeridibus invenitur fuisse gr. 40, 48'. Sic itaque colligo; si diebus 1086 absolvit periodos 68, atque insuper gr. 40, 48', hoc est gr. 24520, 48', quantum ergo die una? Prodeuntque gr. 22, 34', 44", qui motus comitis diurnus est respectu fixarum. Ad mensis siderci longitudinem inveniendam ita calculum instituo; si gr.

24520, 48' percurrit diebus 1086, quot dies impendet gradibus 360? fiunt dies 15, horæ 22, scr. 39. spatium quo ad eandem fixam Saturni incolis Luna sua revertitur.

Deinde medium motum diurnum à sole (qui minor est motu quo respectu fixarum comes progreditur, ut in nostra quoque Luna evenire novimus) ita reperio; Saturni motum medium diurnum qui 2 est minutorum, aufero ab invento motu diurno respectu fixarum gr. 22, 34', 44". unde supersunt gr. 22, 32', 44", diurnus motus à Sole. Atque hinc facile quoque mensis Synodici Saturnicolarum media longitudine computatur. Nempe si gr. 22, 32', 44", uno die percurruntur, quot igitur diebus gr. 360? Fiuntque dies 15, horæ 23, scr. 13. Reliquis duntaxat 47 scrupulis ad dies 16. Atque illud etiam medium tempus est quo nostri respectu ad apogæum suum Saturni comes revertitur, sive intra quod cum Saturno bis conjungitur.

Ceterum quia ex motu comitis illud præcipue investigari meretur, quo pacto ad datum quodvis tempus situs ejus apud Saturnum exhiberi possit; ostendemus nunc brevissimam ad hoc calculi rationem, sequentium tabularum ope absolvendam; in quibus motum comitis æqualem qualis ex Saturno fixarum respectu appareret, proponimus. Hunc autem diurnum adsumsimus gr. 22, 34', 44", sicut modo inventus fuit. Etsi enim expertus sum, iterato eodem examine adhibitusque aliis duobus temporibus quibus comes fuit apogæus aut perigæus, aliquot secundis scrupulis majorem interdum minorenve eundem motum reperiri, istum tamen medium quodammodo inter alios retineri posse ratu sum, post plures abhinc elapsos annos facile emendandum. Nam & inæqualitas puto aliqua, & eccentricitas, quemadmodum in Luna nostra, ita circa hanc quoque, diligenti observatione olim deprehendi poterit.

*Mensis  
Saturni-  
colarum  
vera lon-  
gitudo.*

Tabula

Tabula motus equalis Luna Saturnia in orbita sua respectu fixarum.

| In Annis Julianis.                       |      | In Diebus. |      | In Horis. |   |    |    |
|--|------|------------|------|-----------|---|----|----|
| Gra.                                     | Min. | Gra.       | Min. | Gr.       | Mi.   |    |    |
| 1  | 321  | 18         | 1    | 22        | 35  |    |    |
| 2  | 282  | 35         | 2    | 45        | 9   |    |    |
| 3  | 243  | 51         | 3    | 67        | 44  |    |    |
| 4  | 227  | 45         | 4    | 90        | 19  |    |    |
| 5  | 189  | 3          | 5    | 112       | 54  |    |    |
| 6  | 150  | 21         | 6    | 135       | 28  |    |    |
| 7  | 111  | 38         | 7    | 158       | 3   |    |    |
| 8  | 95   | 31         | 8    | 180       | 38  |    |    |
| 9  | 56   | 48         | 9    | 203       | 13  |    |    |
| 10                                       | 18   | 6          | 10   | 225       | 47  |    |    |
| 11                                       | 339  | 24         | 11   | 248       | 22  |    |    |
| 12                                       | 323  | 16         | 12   | 270       | 57  |    |    |
| 13                                       | 284  | 34         | 13   | 293       | 32  |    |    |
| 14                                       | 245  | 51         | 14   | 316       | 6   |    |    |
| 15                                       | 207  | 9          | 15   | 338       | 41  |    |    |
| 16                                       | 191  | 2          | 16   | 1         | 16  |    |    |
| 17                                       | 152  | 19         | 17   | 23        | 50  |    |    |
| 18                                       | 113  | 37         | 18   | 46        | 25  |    |    |
| 19                                       | 74   | 55         | 19   | 69        | 0   |    |    |
| 20                                       | 58   | 47         | 20   | 91        | 35  |    |    |
| In Mensibus anni Juliani<br>incompletis. |      | 21         | 114  | 9         | 21  | 19 | 45 |
| Janu.                                    |      | 22         | 136  | 4         | 22  | 20 | 42 |
| Febr.                                    |      | 23         | 159  | 19        | 23  | 21 | 38 |
| Mart.                                    |      | 24         | 181  | 54        | 24  | 22 | 35 |
| April                                    |      | 25         | 204  | 28        | Primo Ian. anno 1653,<br>meridie, distantia Lu-<br>nae Saturniae ab apogeo<br>erat gr. 274.21. Sa-<br>turni locus apparet,<br>codem tempore in &<br>gr. II. 41. |    |    |
| Maij                                     |      | 26         | 227  | 3         |   |    |    |
| Junij                                    |      | 27         | 249  | 38        |   |    |    |
| Julij                                    |      | 28         | 272  | 13        |   |    |    |
| Aug.                                     |      | 29         | 294  | 47        |   |    |    |
| Sept.                                    |      | 30         | 317  | 22        |   |    |    |
| Octo.                                    |      |            |      |           |   |    |    |
| Nov.                                     |      |            |      |           |   |    |    |
| Dec.                                     |      |            |      |           |   |    |    |

Sifuerit datum annus intercalaris,  
post Februarium unus dies, eoque  
annus diei motus addedusest.


Hafum

Harum tabularum auxilio primùm Epocham, quæ præcederet omnes observationes nostras, constitui diem 1 Jan. meridie, anno 1653. Nempe ex eo, quod 14 Martij, 1659, hora 8 pom. in perigæo Saturni Luna versaretur, collegi retrorsum numerando, ad prædictam diem 1 Jan. 1653,

*Locum Lu-  
nae Satur-  
niæ quo-  
modo si p-  
petetur.*

abfuisse illam ab apogæi loco gr. 274, 21'. Jam vero ut ad quodlibet datum tempus, epocha posterius, inveniatur ejus ab apogæo distantia, (namque hinc facile deinde perspicere est quam propinqua Saturno apparitura sit) addendus est ad motum Epochæ, motus comitis usque ad tempus datum, ex tabulis collectus; hinc auferendus Saturni motus apparenſ per idem temporis intervallum, qui ex Ephemeridibus cognoscitur; reliquum erit distantia comitis ab apogæo quaſita. Ut ſi datum fuerit tempus dies 25 Martij, anno 1655, hora 8 pom. quæ prima noſtra fuit obſervatio: Motus Epochæ, ſive distantia Lunæ Saturniæ ab apogæo tempore Epochæ, quæ eſt gr. 274, 21', addita ad motum ejusdem Lunæ inde ab Epochæ ad tempus datum, colligit gr. 278, 31'. Hinc ablato Saturni motu apparen- te per idem tempus, qui inveniatur gr. 22, 58, relinquuntur gr. 255, 33', distantia Lunæ Saturni ab apogæo, quæ invenienda erat. Unde apparet in circulo superiori, ubi A apogæi locum referebat, fere ad numerum 12 illam conſtituſſe, coque in maxima propemodum distantia viſam, uti revera contigit. Calculum autem ſubjicimus qui ſic ordinatur.





|                        | Gra. | Mi. | G. M.                                 |
|------------------------|------|-----|---------------------------------------|
| Motus Epochæ,          | 274  | 21  | h Locus app. 25                       |
| Anni 2                 | 282  | 35  | Mart. 1655, 4 39 $\text{\textscript}$ |
| Martij 1               | 252  | 9   | h Locus app. té-                      |
| Dies 24                | 181  | 54  | pore Epochæ, 11 41 $\Omega$           |
| Horæ 8                 | 7    | 32  | Restat h motus                        |
| Summa                  | 278  | 31  | apparens, 22 58                       |
| Motus Saturni apparens | 22   | 58  |                                       |
| Reliquum               | 255  | 33  | distantia Lunæ Saturni ab<br>apogæo.  |

Ut verò constet methodi ratio, intelligatur in superiori diagrammate, Saturnus die 1 Jan. 1653 positus fuisse in A, terra in G, Luna Saturni in E, gradibus 274, 21 ab apogæo L. Rursumque 25 Martij 1655, Saturnus ponatur in B, terra in F, Luna Saturni in M: sitque BN parallela AL. Quoniam igitur Lunæ motus periodicus inter bina illa tempora, additus motui Epochæ, hoc est, arcui LD graduum 274, 21, efficit gr. 278, 31'; erit idcirco arcus NKM hoc graduum numero. Distantia autem Lunæ Saturniæ ab apogæo est arcus OKM, qui ut cognoscatur, auferendus est ab arcu NKM arcus NO. Ergo cum arcus NO totidem sit graduum atque angulus quem constituunt rectæ OF, LG; hujus autem quantitas definiatur apparenti Saturni motu inter duo prædicta tempora; apparent nos rectè ab inventis gr. 278, 31', hoc est ab arcu NKM, subtraxisse Saturni motum apparentem gr. 22, 58' (quippe æqualem arcui NO) ad consequendum arcum OKM, gr. 255, 33', distantiam nempe Lunæ Saturni ab apogæo.

Ejus cal-  
culicom-  
probatio.

Nondum hic locus est explicandi alium quendam hujus lunulæ motum in latitudinem, observationibus aliquot præcedentibus jam sese prodere incipientem; quo nempe ab linea recta per ansarum extrema transeunte plerumque exorbitat, apparetque circa Saturnum ellipsin percurrere, interdum quidem satis latam, alias verò angustiorem, & rotundo Saturno lucente, in rectam lineam abeuntem. Et si enim, ad verum lunulæ situm respectu Saturni determinandum, hujus quoque motus ratio est habenda, cum tamen causæ ejus cum cæterorum phænomenon causis prorsus conjunctæ sint, simul cum illis atque una opera exponendum censeo.

Illam igitur Systematis hujus partem alteram nunc aggredior, in qua formæ Saturni instabilis atque à se ipsa discrepantis ratio reddenda, tum qua periodo singulæ mutations contingent dicendum est. Harum aliquas quæ nobis sese obtulere supra exhibui; sed ex partem tantummodo periodi complectuntur. Ideoque ut omnem phænomenon diversitatem ab iis quas dicemus causis pendere constet, aliorum quoque temporum observations examinatione necesse erit, quas à 40 atque amplius annis complures scriptis prodiderunt. At verò cum Saturni figuræ omnes quas nobis delinearunt oculis lustro, eas multiplices adeo ac prodigiosas invenio, ut si qua hypothesis coimminicenda foret quâ cunctis fieret satis, nemo non, ut opinor, in ea excogitanda operam lusurus sit: cum nulla tam crebræ atque enormis transformationis causa esse possit, nisi ponatur ipsam Saturnij corporis molem identidem aliam atque aliam faciem induere, quod ab omni verisimilitudine est alienum. Quamobrem delectus adhibendus est observatis illorum, & inquirendum quænam ex iis fidem mereantur, quæve contra ut suspecta rejicienda sint. Quo in examine

examine illud concedi nobis postulamus, ut quoniam Saturni comitem primi perspicillis nostris deteximus, ac quoties libet clarè intuemur, præferantur propterea nostra hęc illis quibus alij ad stellam eandem nequaquam pertingere potuere, licet quotidie Saturno observando intenti: eoque nostræ etiam circa formam planetæ observationes veriores habeantur, quoties eodem tempore nobis atque illis diversæ phases animadversæ fuerint. Adjuncta itaque tabella omnes eas exhibet quas ex variis autoribus descripsimus.

Ac prima quidem harum formarum est quam Galileus adnotavit anno 1610, in qua triceps Saturnus spectatur, minoribus duobus orbiculis majori utrinque adjacentibus. Hanc alij quoque permulti viderunt, aut certè se vidisse crediderunt. Nam si grandiores tubos adhibuissent atque optimis vitris instructos, haud dubiè pro triplici hac globulorum facie eadem sese illis obrulissent quam nobis diximus anno 1655, ac rursus anno insequentि, die 13 Oct. visam. Hoc enim inde colligimus quod dum illis bini ad latera globuli apparent, nobis porrecta in longitudinem brachia tubi nostri referunt; uti contigit eo ipso anno 1655, mense Aprili ac Majo, quo tempore trisp̄hērica illa figura Ricciolo Hevelioque observata fuit. Etenim quo certius constet ob perspicillorum parvitatem talem hanc cerni, experimur nobis quoque, quoties breviori perspicillo, quinūm putat sensum pedum, Saturnum aspicimus, binos globulos dictorum loco brachiorum apparere; etiam illâ anni 1658 jam existente phasi.

Quænam autem fallacis imaginis causa sit facile perspicitur. Quippe enim quām circa extremas cuspides ampliorē lucem brachia hęc sive aliae emittant, quam qua parte medio Saturni disco adhærent, ubi semper umbræ aliquid

*Hęc singulā  
la exami-  
nantur.*

intercedit, non modo cum manifesto jam bifida evaserunt, velut anno 1658, sed antea quoque ut anno 1657; non mirum est lucem illam intensiorem, debiliori interjecta, penitus à medio orbe separatam videri. Neque item rotundam ex oblonga fieri mirandum est, cum idem accidat omni figuræ eminus, nec satis distinctè ob exilitatem, perceptæ, atque eo magis quo fuerit lucidior. Itaque plane constat telescopiorum culpa phasin hanc vitiatam esse, licet observatores bona fide eam tradiderint.

Quæ sequitur hanc nihil melius se habet, à Scheinero observata anno 1614. Atque equidem dubito, perfectioribus an deterioribus perspicillis, quam qui præcedentem dederunt, hanc deprehenderit. Quoniam hæc tenus quidem ad veram magis accedit, quod affixas Saturno auriculas exhibit; at contra in eo aberrat, quod plus justo earum contrahat longitudinem. Hæc autem phasis tum sibi ipsi tum superiori fidem derogat, alterutram certe haud veram fuisse arguit; quoniam eodem tempore, anno nimirum 1614, altera à Scheinero, altera à Galileo aliisque observata perhibetur. Ut proinde dubitanum non sit, quin & hæc similis extiterit ei quam nos anno 1657 vel 1658 in commentaria retulimus. Neque aliud de tertia hujus tabellæ existimandum est, quæ Ricciolo secunda ponitur, quamque anno 1640 & 1643 observatam scribit. Veritati tamen propior hæc videri potest, quod pro orbiculis oblongas atque olivæ similes figuræ habeant.

Quarta est, quam in locum trispæricæ formæ Hevelius adsumisit in libro *de Saturni nativa facie*, ubi secundum leges hypothæcos suæ asserit talem quandoque cerni debeare, quæ tamen ex visus hallucinatione in trispæricam degeneret. Quanquam mihi ne istiusmodi quidem forma satis convenire hypothesi illius videatur, ut postea ostendemus.

*Finisdem*

Eiusdem Hevelij etiam quinta est, cui similem Gassendus edidit. Et hec quidem satis prope cum nostra illa anni 1658 consentit, nisi quod partes brachiorum tenuiores qua medio disco adnectuntur utriusque, tubi non sint assecuti.

Idemque in 6 & 7 contigit, quæ ambæ ab Hevelio quoque traduntur, similes iis quas circa eadem tempora Ricciolus observavit, nimirum anno 1648, 1649 & 1650, quæ hic octavo nonoque loco exhibentur. Neque alia re differunt, quam quod medius orbis Hevelio non nihil oblongus apparuit, cum Ricciolo rotundus fuerit: quodque hic connexas ansas cum inter se tum Saturno ipsi spectaverit, quæ Hevelio pauxillo à contactu abesse visæ sint. Verum ipse Hevelius causam cur separatae videantur visus imbecillitati adscribit, cum alioqui reipsa cohærere eas Saturno statuat.

Tales autem & Eustachius de Divinis notavit anno 1646, 1647 & 1648, à quo editum schema ad num. 10 hic exhibuimus. Isque cum præstantissimus perspicillorum artifex habeatur, credibile est omnium emendatissimè nativam Saturni faciem nobis descripsisse, nisi quod umbras illas quæ in schemate apparent, de suo, ut opinor, adjecit.

Porro ab hisce figuris non multum recedit ea quæ à Fr. Fontana vulgata fuit, undecima tabellæ nostræ. Quam quidem & Ricciolus anno 1646 sibi visam scribit. Sed minus bonis telescopiis tunc usum crediderim, quam quibus modo dictas octavam nonamque detexit. Siquidem eodem anno 1646 septimam formam se videlicet testatur Hevelius, cui potius hic standum est. Nam Fontanæ observationes quominus in dubium vocare verear facit, quod etiam olim magis monstruosas formas Martis publicavit, veluti trilateræ cujusdam rupis, ac rursus aliter cum nigra in

medio orbe macula; quæ nos cum aliis multis fabulosa comperimus. Hæc tamen, quam in Saturno prodidit formæ diversitatem, neque magna est, ut dixi, neque miranda.

Plus negotij posteriores duæ, duodecima decimatertiaque, exhibituræ videntur: quarum priorem præter Blan-canum etiam Gassendus prodidit; reliquam Ricciolus, aliunde tamen acceptam, nobis impertiit. Mirabilis præ fertim illa Gassendi appetat. Verumtamen si bene perpen datur, facile est intelligere, quo pæsto ab octava figura hæc defluxerit. Nam si tantum in locum rotundarum lacunarum, lunatæ substituantur, cornibus sese mutuo res picientibus, jam profecto octava illa existet, quam Ric ciolus adnotavit. Nihil mirum autem Gassendo ac Blan cano, cum non magnis perspicillis uterentur, rotundas potius eas maculas quam lunularum forma apparuisse, si quidem partes harum acuminatas distinctè percipere illis negatum fuit. Duodecima denique quam Ricciolus à Fontana, itemque ab aliis Romæ visam memorat, anno 1644 & 1645: eam quoque pro octava ac nona sup positam esse certum est, vel etiam pro septima quam Hevelius prodidit. Non solum enim Ricciolus hanc sibi unquam oblatam negat, solas octavam, nonamque cum ansis se vidisse affirmans: sed & eodem anno 1645 Heveliano teles copio septima illa conspecta fuit. Nempe ansas Saturno conjungi rectè hic Fontana animadvertisit; sed cum præci pius earum splendor à parte gibba procederet, orbiculari bi figuram constituere visus est.

Non adscripti phasibus hisce eam qua Saturnus ellipsis formæ conspectus dicitur, absque illis comitibus brachiis; quoniam satis constat ob exilitatem telescopiorum, in ipso

ipso inventi hujus exortu , talem' apparuisse; postquam verò ad maiorem perfectionem eadem adducta sint , neminem amplius solitarium Saturnum vidisse nisi simul & rotundus fuerit.

Omisí etiam phenomenon aliud à nonnullis quidem relatum , sed vanum proculdubio atque à sola imaginatione profectum: quo nempe alterum quandoque Saturni sive comitem sive ansam altera minorem deprehendi afferunt. Ego vero existimo non tam ab indiscreta perceptione phasin hanc enasci ( cur enim hanc ansam potius quam illam minorem dicerent?) quam quod ubi hypothesin quispam commentus fuerit , ex qua talem prodire necesse sit , facile sibi ipsi imponat , quodque cupit evenire credat. Itaque viro eximio J. Hodiernæ qui ad nos è Sicilia Systema suum Saturnum , de quo pluribus mox agemus , misit , accidisse reor. Hic enim anno 1655 & sub finem anni insequentis , orientalem globulum reliquo minorem sibi apparuisse scribit , quium tamen eodem tempore , nobis inspectantibus , eadem utrique magnitudo , claritas ac figura adfuerit , non quidem orbicularis , sed rectâ in longitudinem utrinque à Saturni disco procedens. Quin etiam frustra causam hujuscemodi rei ex hypothesi sua adducere Hevelius laborat , quum planè contrarium ex ea sequatur , perpetua videlicet utriusque ansæ æqualitas. Nam cum faciem Saturni nativam ejusmodi fingat , qualis superiori tabella ad numerum septimum exhibetur , utrāque scilicet ansâ pari formâ ac magnitudine corpori medio adnexâ , non sinunt ullæ opticorum leges , ut qualicunque hujus corporis conversione , aliter una atque alia ansa sc̄e videndam nobis præbeat. Nobis , inquam , in tam immensa positis distantia . Cum enim 3000 fere diametri Saturni maximis ab eo remoti simus , quo pacto existi-

*Non c'è  
alteram  
ansarum  
quandoque  
altera mi-  
norem.*

existimat. vir Clar. nos percepturos discriminem angulorum quibus propior remotiorque ansa spectari debeat?

*Non etiam  
unam quā  
alteram  
citus ad  
medium  
Saturni  
corpus ap-  
plicari.*

Æquè parum rationi consentaneum est quod, ob eandem illam distantiaæ differentiam, unam ansarum citius quam alteram cum medio disco coalescere posse existimat. Hoc enim, admissa licet Heveliana hypothesi, atque etiam si centuplo præstantiores tubos haberemus, nequaquam tamen nobis visu deprehendere licet. Cæterum & hujus sententiam viri solertissimi, quo certè nemo hac tempestate majori animo atque industria rem promovet Astronomiam, pluribus exponere, & aliorum insuper de propria Saturni forma opiniones, priusquam nostram adferamus, recensere placet, quas post editam de Luna Saturni observationem omnes accepimus. Hevelius igitur, in eo libro quem peculiarem huic argumento dicavit, causas phænomenon redditurus, sphæroidis oblongi figuram medio corpori Saturni tribuit, cui ab utroque latere appendices istæ, ut jam dixi, brachiorum sive ansarum forma, firmiter adhærent, quemadmodum supra 7 loco expressimus. Porro simul cum Saturno hasce ansas, spatio 30 circiter annorum, circa minorem sphæroidis axem converti facit, qui quidem axis plano orbitæ Saturni sit ad angulos rectos. Enim verò his positis septimè quidem superioris figuræ phasis nec non rotundâ quoq; repræsentari certum est: ut nimil in duobus eclipticæ locis oppositis ansata hac facie Saturnus appariturus sit, aliisq; rursus duobus rotundus ansisq; prorsus exutus. Quinimo & sexta ac quodammodo quinta quoque exhiberi possent, nisi quod conjuncte cum medio disco ansæ videri debebant. Sed quarta phasis nequaquam ab eadem forma proficiisci poterit. Nam cum ponatur Saturnus cum annexis sibi ansis, qualem 7 figura ostendit, rectus consistere ad planum eccentrici sui, atque ita

*Hevelij  
hypothesi  
circa an-  
sas Satur-  
ni exami-  
natur.*

ita perpetuo manere, licet circa axem proprium vertatur; eveniet quidem ea conversione, ut paulatim arctius ad medium orbem ansæ applicentur, veruntamen semper geminas lunas referent ejusdem cum dicto orbe altitudinis, minimeque in tam compressas formas abibunt. Nam quod hoc efficere posse declinationem Saturni orbitæ ab ecliptica Vir Cl. censet ( ita enim mihi respondit cum difficultatem hanc ei movissim ) si diligentius rem expendat intelliget fieri non posse, cum Saturni orbita tantum 3 gradibus ab eclipticæ plano recedat, ut inde ansarum figuris ulla nobis percipienda mutatio adveniat. Cæterum nec veram quidem esse hanc quartam phasin superiorius indicavimus, sed cum hæc, sive trisphærica potius, minoribus telescopiis cernitur, nostris prægrandibus illam comparere quam adnotavimus anno 1655 & 1657. Quæ cum adhuc minus Hevelianæ hypothesi conveniat, clarius demonstrat illam scopum non attigisse. Neque sanè vel rotundæ phasis phænomena satis congruunt præstitutis ab Hevelio limitibus; ut patet non tantum ex prædictione ejus, eventu refutata, quæ ferebat rotundam phasin anni 1656 continuatam iri usque in Mensem Septembrem anni 1657, cum tamen jam inde à 13 Oct. 1656, ansas Saturnus recuperaverit, neque postea amiserit; sed & ex Galilei observatis circa rotundam phasin anni 1612. Solsticio enim hujus anni, Saturnus gr. 18, 22'. × obtinens, tricorpor adhuc Galileo apparuit, quum per tabulas Hevelij debuissest rotundus observari, ac vicissim 1 Dec. ejusdem anni 1612, cum versaretur in gr. 11, 27'. × rotundus Galileo repertus est, quo loco Hevelius trisphæricum expectasset.

Alteram hypothesisin, ingenio suo acutissimo dignam, summus Geometra E. Robervallius nobis exposuit. Qua quidem Saturnum perinde ut cæteros planetas rotundum

F

statuit:

*Causæ  
phænome-  
non Sa-  
turni à  
Roberval-  
lio excogitiæ.*

statuit; egredi autem è Zona ejus torrida, hoc est, quæ rectiores solis radios excipit, vapores quosdam non admordum spissos, qui proculà superficie ejus in sublime evolantes, undique illum ambiant, præterquam polos versus, ubi fortassis intensem frigus eos à sole attrahi prohibeat. Hi si quando omne spatium compleat à Saturno ad usque extremam ipsorum regionem, elliptica forma, inquit, eum videri faciunt. Cum vero minus densi exoriuntur, interque eos ac Saturnum locus ingens medius relinquitur, obtinuitatem solares radios non reflectunt, nisi inde ubi magis conferti iisdem opponuntur; quod nostri respectu necesse est fieri in partibus à medio disco Saturni remotioribus. Ubi proinde ansarum formiam ex ea reflexione produci oportet, illasque inter ac Saturnum spatia utrinque obscura vel certè minus lucida intercedere. At quoties nullæ prorsus hujusmodi exhalationes ascendunt, rotundus planeta spectabitur.

Equidem rectè hoc consideravit vir sagacissimus esse aliquid quod æqualiter undique Saturnum circumdaret, suadente scilicet periodo Lunæ Saturniæ dierum 16, etiam ipsum circa axem suum, & breviori tempore, conversiones facere; ex quibus conversionibus intra paucos dies diversas phases nasci oporteret, nisi undique eodem modo materia quædam circumposita esset. Nec dissimili collectione usi fueramus dum nostrum Systema effingeremus, ut postea dicetur. Verumtamen ex illa sua hypothesi neque phasis nostra anni 1655 & 1657, satis commodè exponitur, neque certis Saturni orbitæ locis phases quæque peculiares sunt, quod tamen ita se habere observationes omnes evincunt, & rotundi Saturni in primis. Hæ enim in duobus oppositis Ecliptice locis accidere animadversæ sunt, contraque in iis qui quadrante hinc distant, ansæ quam maximè

maximè expansæ : cum tamen causa non appareat cur aliis quidem orbitæ partibus nullos vapores Sol è Saturno , aliis maximam eorum copiam extracturus sit. Deinde vapores isti , nescio quam bene , at multum certè dissimiles nostris hisce qui terram ambiunt ponuntur , tum quod immenso spatio , præ ut hi solent , à Saturno ascendant , tum quod versus polos paucissimi aut nulli sint , cum circa terræ polos plures contra atque altiores existant quam circa Zonam torridam. De elliptica autem forma Saturni diximus supra , eam revera nunquam talem cerni , ut proinde causam ejus adferre superfluum fuerit.

Nunc verò tuam quoque Hodierna doctissime sententi-  
am excutiamus , quam novo nuncio meo de Saturni Luna  
& promissio Systemate excitatus , subito publicam fecisti.  
Meretur tuus ille in hæc studia non vulgaris amor , ut meli-  
oris notæ telescopia tibi suppeditentur , qui qualibuscun-  
que etiam instrūctus , non cessas in cælum quâ licet eniti ,  
summumque illum planetarum , formarum varietate om-  
nes frustrantem , certis legibus astringere aggressus. At  
ille te quoque ut opinor delusus. Nam si post hac ea facie  
se tibi offerat , qua mihi anno 1655 & 1657 apparuit , vel  
ea quoque quæ successit anno 1658 , cognoscere utique has  
non quadrare illi quod tibi finxisti corpori. Sphæroidi ni-  
mirum , cuiusmodi aut ovum aut prunum est , sed magis  
etiam oblongo quam Hevelianum illud , similem Satur-  
num imaginaris ; in quo binæ utrinque sint maculæ lucis  
expertes , quales in tabula superiori phasis octava exhibet ,  
quæ nobis interstitia illa inter ansas Saturni mediumque ejus  
discum referant. Inde conversiones hæjus corporis circa  
axem , eadem periodo qua & Hevelius , definis ; & rotun-  
dum tunc videri asseris , cum longior sphæroidis axis ad  
nos dirigitur , ideoque bis hoc accidere annorum 30 de-

*Hodiernæ  
Siculi cir-  
ea eadem  
phenome-  
na opinio.*

cursu. Verum enim cum prorsus rotundus ac orbe integro lucens appareat Saturnus, quoties brachiis suis nudatus est, expendendum tibi amplius relinquo, qua ratione lacunas quasdam expreas quas à maculis illis nigris superfuturas rectè ipse previdisti. Præterea & phases illas te considerare velim quas hæc tua hypothesis non potest non producere, nec à quoquam tamen observatae perhibentur. Quas ut facilius omnes coram inspicias, ovum aut aliud quod eam formam habeat, istis maculis ornatum, tibi proponito, atque ita ut Saturnum converti vis circumducito; videbis non pauca in tuo hoc Saturno phænomena quæ cælestis Saturnus nunquam exhibuit, atque alia rursus, quæ inesse huic certo tibi affirmare audeo, non videbis, ipse que de Systemate tuo statues.

Quod autem rei veritatem neque tu neque illi viri egregii, quorum antea opiniones recensui, assoluti sitis, minimè mirandum est, aut vobis imputandum, utpote ad quos falsa plurima pro veris phænoimenis delata sint; alia vero quæ de Saturno citra visus fallaciam observantur, non per venerint. Quæ si nobiscum aspicere vobis contigisset, eadem inde quæ nos de nativa Planetæ forma collecturos fuisse credibile est. Me vero præter phases illas synceriores, etiam Lunæ Saturniæ motus jam inde à principio animadversus, non parum hic adjuvit, siquidem ex hujus circa Saturnum gyratione, prima mihi spes de constituenda hypothesis affulsi. Quæ cujusmodi sit deinceps explicare aggredior.

*Nostri hypotheseis  
qua ratione exegi-  
tata.*

Quum ergo 16 dierum periodo circumferri Saturno planetam novum comperisse, haud dubiè minori etiam temporis spatio Saturnum in sece super axem suum revolvi arbitratus sum. Namque antea quoque, in eo cum Tellure hac nostra ceteris primariis Planetis convenire, semper credidi,

didi, quod singuli in se ipsis rotentur, atque ita tota eorum superficies lumine solis per vices gaudeat. Quin imo in universum ita cum magnis Mundi corporibus comparatum esse, ut illa quibus alia minora circumferuntur, ipsa quoque in medio posita minori tempore circumeant. Ita enim Solem diebus 26 circiter in se redire maculae ejus declarant : circa Solem vero Planetarum singuli, inter quos Tellus quoque reponenda est, prout quisque remotior est ita tardius cursum conficiunt. Rursus Tellus haec diurno spatio gyratur, quam Luna menstruo motu ambit. Jovis autem Planetam quatuor minores, hoc est, totidem Lunæ circumstant, eadem hac lege, ut propiores quæ sunt, celeriore cursu ferantur. Unde Jupiter quidem breviori forsan tempore quam 24 horarum converti censendus est, cum citemen ei lunularum minus biduo impendat. Quæ omnia cum pridem cognovissim, Saturno quoque jam tum similem motum inesse judicabam. De celeritate autem periodi, comitis sui observatio me certiorem fecit. Qui cum 16 diebus orbitam expleat, Saturnum in centro orbitæ situm, multo frequentius circumagi arguit. Jam verò & hoc credibile videbatur, omnem cœlestem materiam, Saturnum inter comitemque ejus interiectam, eidem motui obnoxiam esse, hoc pacto ut quo Saturno propinquior est, eo magis ad ipsiusmet celeritatem accedat. Unde illud sequebatur denique, etiam appendices sive brachia Saturni, vel medio globoso corpori conjuncta atque affixa, simul cum eo volvi, vel, intervallo aliquo discreta, non multò tamen lentiorem periodum sortita esse.

Figura porro brachiorum, dum haec circa motum eorum mente agitabam ejusmodi apparebat, qualis in superioribus observationibus anni 1655 expressa est. Nempe medium Saturni corpus omnino rotundum erat, brachia vero utring;

secundum eandem rectam lineam protendebantur, velut si axe quodam medius planeta trajiceretur, quanquam tubo illo 12 pedum quo tunc utebar, utraque versus extremas cuspides paulo crassiora clarioraque videbantur, quam ubi mediæ sphæræ cohærebant, ut indicat figura omnium prima. Quum itaque quotidie eandem hanc speciem præ se ferret, intellexi id alia ratione fieri non posse, siquidem tam brevis esset Saturni eorumque quæ illi cohærent circuitus, nisi ut globus Saturni à corpore alio æqualiter undique cinctus poneretur, atque ita annulus quidam medium cum ambiret. Hinc enim, quacunque celeritate circumvolveretur, eandem semper faciem nobis oblatum iri, si nimirum axis ad istius annuli planum erectorum esset.


Eum ad Eclipticæ planum obliquè positum esse. Et sic quidem ei quæ per id tempus aderat phasi causa sua constabat. Ergo deinceps expendere cœpi anne reliquæ etiam, quæ de Saturno ferebantur, eidem annulo imputari possent. Hoc autem non tardè successit ex animadversa, per frequentes observationes, brachiorum Saturni ad eclipticam obliquitatem. Cum enim lineam rectam, secundum quam utrinque ea extabant, non sequi ductum eclipticæ, sed intersecare eam angulo 20 partibus majore comperisse, statui proinde planum annuli quem imaginatus eram tali circiter angulo ad eclipticæ planum inclinari. Perpetua videlicet constantique inclinatione, quemadmodum in tellure hac nostra piano æquatoris contingere notum est. Hinc autem necessario illud sequebatur, ut diversis aspectibus nunc ellipsis satis latam, nunc eandem strictiorem, nonnunquam denique & rectam lineam idem annulus nobis exhiberet. Quod autem ansæ effingerentur, intellexi id inde fieri, quod non arctè Saturni globo annulus cohæreat, sed pari intersticio undique ab eo removatur. Quibus proinde sic ordinatis, ac præterea adsumta

*Annulo  
Saturni  
nū tingu.*

*Eum ad  
Eclipticæ  
planum  
obliquè  
positum  
esse.*

ea quam dixi annuli inclinatione, omnes mirabiles Saturni facies sicut mox demonstrabitur, eo referri posse inveni. Et hæc ea ipsa hypothesis est quam anno 1656 die 25 Martij permixtis literis una cum observatione Saturniæ Lunæ edidimus.

Erant enim Literæ a a a a a a a c c c c d e e e e g h i i i i i l l l m m n n n n n n n o o o p p q r r s t t t t u u u u u; quæ suis locis repositæ hoc significant, *Annulo cingitur, tenui, plano, nonquam coherentem, ad eclipticam inclinato.* Latitudinem vero spatij inter annulum globumque Saturni interjecti, æquate ipsius annuli latitudinem vel excedere etiam, figura Saturni ab aliis observata, certiusque deinde quæ mihi ipsi conspecta fuit, edocuit: maximaque item annuli diametrum eam circiter rationem habere ad diametrum Saturni quæ est 9 ad 4. Ut vera proinde forma sit ejusmodi qualem apposito schemate adumbravimus.



Cæterum obiter hic iis respondendum censeo, quibus novum nimis ac fortasse absolum videbitur, quod non tantum alicui cælestium corporum figuram ejusmodi tribuam, cui similis in nullo hæc tenus eorum deprehensa est, cum contra pro certo creditum fuerit, ac veluti naturali ratione constitutum, solam iis sphæricam convenire, sed & quod annulum

occurrit  
suris quæ  
de annulo  
objici pos-  
sent.


annulum hunc solidum ac permanentem (talem enim arbitror) Saturno ita circumponam, ut nullis compagibus retinaculisve ei cohæreat, ac nihilominus æqualem ab omni parte distantiam servet, unāque cum Saturno motu velocissimo transferatur. Hos autem reputare illud oporteret, non ex mera inventione atque arbitrio meo hanc me fingere hypothesin, sicut Astronomi suos epicyclos, nusquam in cælo apparentes; sed oculorum sensu, quo nempe reliquarum rerum omnium figuras cognoscimus, hunc quoque annulum satis evidenter me percipere. Neque verò causam esse cur corpus aliquod inter cælestia hac forma prædictum existere nequeat, quæ si non sphærica at saltē rotunda est, atque ejusmodi ut motum circa centrum æquè commodè atque ipsa sphærica suscipiat. Nam minus utique mirandum, hujusmodi figuram tali corpori tributam, quam inconcinnam quampiam minimèque tornatilem. Porro quem certo satis colligi posse videatur, ob similitudinem ac cognitionem magnam quæ Saturno cum Tellure nostra intercedit, illum perinde ut hæc in medio sui vorticis situm esse, centrumque ejus versus omnia naturâ suâ tendere quæ illic gravia habentur; inde necessario quoque efficitur, annulum istum omnibus sui partibus æquali vi ad centrum nitentem, hoc ipso ita consistere, ut undiquaque pari intervallo à centro absit. Planè sicuti quidam contemplati sunt, quod si continuum fornicem per totum terrarum ambitum extrui possibile esset, is absque ullo fulcimente semet ipsum esset sustentaturus. Ergo tale quid in Saturno recipi effectum esse ne protinus absurdum credant, sed suspiciant potius infinitam naturæ potentiam & majestatem, quæ subinde nova suorum operum specimina in lucem promens, plura etiam superesse admonet. Verum ad propositum jam revertamur.

Diximus

Diximus brachiorum lineam anno 1655 eclipsicæ occurrere visam angulo partium plus minus 20. Quod cum præcipue faciat ad phænomena ex hypothesi nostra deducenda, antequam ad illa accedamus, ita se habere ex observationibus ostendendum est.

*Saturni  
major di-  
ameter  
Æquatori  
parallelæ  
ostenditur.*

Cum igitur 25 Martij, anno 1655, Saturni in A positi ad stellam fixam B ea fuerit constitutio quæ h̄c adnotata est, ut constat ex superioribus observationibus; die autem sequenti sicut in D & B, tertioque item die sicut in C & B, ita ut quotidie linea ansarum producta altius supra stel-




lam B ascenderet; hinc perspicuum fit viam Planetæ AC nequaquam congruere directioni ansarum, sed diversam ferri angulo ACE, quem 20. gr. majorem inventio. Eo autem tempore nihil admodum mutabatur latitudo Saturni apparet, unde constat viam AC eclipsicæ parallelam fuisse; ac proinde eodem illo 20 gr. angulo etiam ab ecliptica lineam ansarum deflexisse.

Rursus 9 Apr. & tribus sequentibus continuè diebus ad aliam fixam C talis annotatus fuit Saturni positus qualis in L, M, N, O cernitur. Ubi similiter apparet, lineam ansarum OP, Saturni tramitem LO secare angulo LOP, qui 20 plus minus graduum deprehenditur. Eclipticam verò vel eclipsicæ parallelam lineam RQ, angulo PQR,


G

paulo

paulo etiam majore quam LOP, quoniam decrescebat  
per eos dies Saturni latitudo, quæ borea erat.




Denique cum post stationem Saturnus ad fixam eandem  
**C** revertisset, factusque esset australior, die 27 Maij, eo  
positu juxta hanc adstabat quo hic ad S designatus est. Die  
vero Maij postrema, eo qui ad T. Ita ut hic quoque li-  
nea SV, quæ secundum brachia dicitur, intersecet ST,  
quam quadrivio illo Saturnus permeaverat, angulo VST,  
20 gradus exiguo superante. Eclipticam vero vel eclipti-  
cam parallelam XY, paulo minore angulo SX Y, quoni-  
am minuebatur adhuc continuè Planeta latitudo, et si  
directus jam incedebat.



Et his quidem intellectis, inclinatio brachiorum Satur-  
ni ad eclipticam, in dubium vocari amplius nequit, et si,  
sator, non admodum accuratè quanta sit hoc modo  
defi-

definiti possit. Sitamen 21 graduum per id tempus appa-  
ruisse ponatur, quantum ferè adductæ observationes com-  
probant, ac porro ad locum Saturni, qui tunc fuit, atten-  
damus, inveniemus æquatori planè parallelæ brachia ex-  
titisse. Cum enim circa 3 gr. Virginis Saturnus versaretur,  
ubi parallelus æquatoris eclipticam interfecat angulo gr. 21.  
quo angulo etiam brachiorum linea illam interfecabat;  
manifestum est hanc secundùm dictum parallelum atque  
ad eo secundùm ipsum æquatorem incedere debuisse.

Cæterum alio nunc irrefragabili argumento eandem  
hanc brachiorum inclinationem, & cum æquatore circu-  
lo parallelismum confirmabimus. Suprà in observatio-  
num Historia ad diem 13 Octob. anni 1656, adnotatum  
est, motum Saturni, quo cum cælo quotidie defertur, secun-  
dum ipsam ansarum lineam procedere nobis visum, non  
ea die tantum, sed quotiescumq; exinde idem inquire libu-  
it: inquiritur autem hoc modo. Telescopio ad Saturnum ob-  
verso, eoque intra tubi aperturam, quam hic refert circulus  
A B, recepto, ita ut primùm in extremo margine consistat,  
vergatq; linea brachiorum ad aper-  
turæ centrum, immotum inde tu-  
bi sistimus, quo ita manente, mox  
totam tubi capacitatem A B percur-  
rere Saturnus conspicitur, motu qui  
cælo tribuitur abreptus, atque exire  
ad partem oppositam B, quo tende-  
bat brachiorum linea. Quoniam er-  
go Saturnus, hoc motu suo, circulum æquatori paralle-  
lum percurrit, cuius circuli pars est linea A B, manifes-  
taret brachiorum lineam æquatori quoque parallelā exten-  
di. Hujus vero rei periculum facere licet quoties Saturni



observandi facultas datur, neque alia certiori ratione directionem ansarum investigari posse credimus. Non defuere tamen qui diversimodè idem examen instituerunt, quorum observations sententiam hanc nostram comprobant. Nam Galileus quidem ipse, qui primus phænomeni hujus indicium fecit, non omnino eclipticæ parallelam linam, in qua Saturni comites positi essent, sibi visam scribit, sed evidenter ab ea deflectere; & fortasse, inquit, æquatori parallela est.

Post hunc vero quicunque rem examinaverunt, omnes hanc ejus conjecturam nequaquam aberrasse ostendunt, & in his Astronomi insignes GasSENDUS, Bullialdus & Ricciolus; quorum hic stellarum fixarum ope (alia tamen methodo quam qua modo nos usi sumus) non semel illum ansarum cum æquatore parallelum liquido sibi compertum demonstrat.

*Hevelij de inclinacione ansarum contraria opinio.* Clarissimum tamen Hevelius, suis observationibus confisus, quæ cujusmodi fuerint non indicat, diversam hic opinionem tuetur, contenditque excentrico Saturni parallelam esse brachiorum inclinationem, ut proinde eclipticæ quoque ferè conveniat, non amplius unquam quam  $2\frac{1}{2}$  gr. deflectens: & hoc quidem cum circa nodos intersectio-  
nis Saturnus versatur. Quo fiet ut cum in Libra & Arietis gr. 20, ubi limites statuuntur, positus fuerit, prorsus eclipticam sequatur brachiorum dispositio. At circa hæc loca maximam omnium inclinationem nostræ & aliorum obser-  
vations produnt, nam nostræ quidem, Saturno prope librum signum atque in ipso signo versante, habitæ sunt; ali-  
orum vero quædam cum non procul ab opposito limite distaret. Ergo quod & plurium autoritas & propria experientia confirmat, haud cunctanter hac in re amplectemur:  
Neque vero dubito, quum certam semperque obviam ob-  
servandi

fervandi methodum tradiderim , quin ea adhibita vir veri amantissimus priorem sententiam volens abdicaturus sit. Illud utique nobiscum novit , frustra siue hunc siue alium quemlibet observandi modum , ad dirimendam inter nos hanc litem, usurpari, quando circa signa Cancri vel Capricorni Saturnus commoratur , quoniam ibi discerni nequit utrum æquatori an eclipticæ parallela sit quæ per ansas ducitur, eò quod in his locis parallelus æquatoris eclipticam non intersecet sed tangat. Quamobrem miror etiam quo pacto Ricciolus , observationem Grimaldi adferens anno 1650, 18 Martij habitam , quæ probat eo tempore hanc ansarum lineam eclipticæ obliquam incidisse , non animadverterit contrarium ejus quod intenderat illa observatione evinci : si enim tunc , Saturno prope initium Canceris agente, non erat eclipticæ parallela ansarum linea, ne qui- dem æquatori parallela fuerit, ut constat ex modo dictis. Semper autem æquatori parallelam cerni, & aliis multis observationibus docuit , & hac ipsa ostendere voluit. Ergo & experientiæ propriæ & sententiæ suæ , quam veram esse demonstravimus, planè hic adversatur. Grimaldi autem observatio , quamquam aliqui in hoc negotio versatissimi atque experientissimi , vitio aliquo laborare censenda est ; in qua forsitan priore fixa à Saturno contexta , vel ob fulgorem cerni prohibita , aliam deinde telescopio detexerit prius non animadversam, proque eadem illa habuerit. Nos vero , cum parallelam æquatori brachiorum lineam esse indubitatis rationibus satis jam adstruxerimus, deinceps ad annuli nostri hypothesin hunc ejus situm applicemus, inde que phænomenon causas singulas derivari doceamus.

Esto itaque Saturni orbita , quam 30 circiter annis ille emetitur, A B C D ; & in eodem plano ( nam exiguae declinationis gr. 2 $\frac{1}{2}$  non hic rationem habebimus ) circulus F E , orbem magnum siue telluris orbitam referens, quam

Ricciolus  
sibi con-  
trarius.  
lib.7. Al-  
mag. noti.


annuo spatio cum illa nos obimus: inque hujus centro G consistat Sol. Jam sicuti axem terra habet semper sibi parallelum, circa quem in sece volvitur, ita Saturnus quoque habere ponatur, qui fit ad annuli sibi circumdati planum erectus. Adeo ut circa unum cundemque axem gyrentur & corpus Saturni sphericum, & annulus, & in codem annuli plano positus Saturni comes sive Luna. Intelligatur autem Saturni hic axis axi terræ circiter æquidistans. Unde & planum annuli plano æquatoris nostri parallelum erit, ac proinde angulo partium  $23\frac{1}{2}$  ad planum eclipticæ inclinabitur. Nam sic constituendum esse inde intelleximus quod ansarum Saturni inclinatio æquatorii parallela deprehendatur, ut modo demonstratum fuit.

Nobis itaque in circulo E F circumlatis, varias annuli hujus, à Sole pariter cum Saturno illustrati figuræ cerni debere perspicuum est, prout nimirum nunc has nunc illas orbitæ suæ partes Saturnus peragrabit. Nam eodem quidem orbitæ loco, quacunque tandem celeritate super axem suum converti dicatur, diversas phases non exhibebit, quoniam ea conversione situm annuli, nostri respectu, nihil immutat, sed ita demum si in eccentrico suo sive orbita spatio aliquo progressus fuerit. Cumque triginta fere annis ad loca eadem revertatur, hinc necessario intra id tempus omnium phasium vicisitudinem conspici necesse erit, atque alias quidem bis, alias quater: quas singulas nunc ex pendemus.


Primò itaque duos orbitæ locos esse liquet è diametro oppositos, velut A & C, in quibus Saturnus constitutus latissimas, maximeque omnium diductas ansas exhibeat; cum nimirum à plano per centra Telluris & Saturni acto, atque ad orbitæ Saturniæ planum erecto, annuli quoque planum ad angulos rectos secatur, eoq; viginti trium circiter partium angulo supra planum annuli visus noster attollitur.

Cu-

Causa  
phasos  
ansarum  
latissima-  
rum.



Cujus phaseos vera proinde forma, secundum ea quæ supra circa annulum definivimus, ejusmodi erit qualis hîc delineata cernitur, majori ellipsis diametro ad minorem se habente fere ut 5 ad 2.



Atque

Atque hæc ea figura est quam ab Hevelio, Ricciolo, & Eu-  
stachio de Divinis, anno 1648, 1649. & 1650. spectatam  
fuisse diximus. Cujus itaque locum, hinc inter signa  $\Sigma$  &  
 $\Xi$ , inde inrer  $\rightarrow$  &  $\nwarrow$  constitui oportere certum est, quan-  
doquidem istis annis signum  $\Sigma$  Saturnus peragrabat & in  $\Xi$   
signum transibat. Postea verò accuratius hunc locum latif-  
simè ansarum phaseos inquirentes ostendemus eum cadere  
in  $20\frac{1}{2}$  gr.  $\Sigma$  &  $\rightarrow$ .

Clarior  
Saturnus  
propter  
ansas cer-  
nitur.

Illud vero manifestum est, Saturnum, quoties hanc præ-  
fert speciem, multo lucidiorem sese intuentibus ostendere  
debere, quām dum nullis brachiis auctus est: quum tan-  
tudem luminis fere ab hisce emanet, quantum ab toto in-  
teriori disco. Atque ita semper quo propius versus Can-  
cri & Capricorni signa accesserit, eo majorem, aut cer-  
tè splendidiorem, etiam absque telescopio appariturum;  
quippe annuli ellipsis semper latius se pandente, ut in se-  
quentibus declarabitur.

Luna Sa-  
turnie n.  
apparens  
ellipticum.

Sed & aliud circa hanc phasim observandum occurrit,  
motus nimirum insolens Saturnij comitis, qui quidem mo-  
tus observationibus anni 1659 adnotari jam cœpit, verūm  
hac larissimâ ansarum phasi existente, omnium evidentissi-  
mè ut sese prodat necesse est. Etenim quum eodem plano  
& annulus Saturni & comitis orbita contineantur, aut certè  
parum diversis; constat simul cum annulo etiam orbitam  
hanc latissimam omnium ellipsis nobis explicaturam: co-  
que futurum ut comes apparente motu altè supra Satur-  
num atque infra transire conspiciatur, ita ut corpore ejus  
vel radiis nimium propinquis nequaquam nobis occulte-  
tur, quemadmodum alias accidere solet. Atque ea qui-  
dem ellipsis quam tali motu describere hisce in locis cerne-  
tur, longitudinem latitudinis sive duplam sequi alteram ha-  
bere invenietur, sicut & annuli, quā diximus, ellipsis latif-  
sima.

sima. Verum recedente hinc Saturno sensim angustior ipsa quoque evadet, quippe annuli ellipsi semper similis, adeo ut primum fulgore planetæ transitus comitis conspici prohibetur, deinde corporis ipsius Saturni ante vel pone cometem objectu. Ita namque observationes anni 1655 & 1657, quo tempore exilia & quam maximè compressa brachia erant, ostendunt comitem etiam in ea recta tunc perpetuo apparuisse quæ per utrumque illorum extendebatur.

Ethac quidem in re dissidet Saturni Lunæ cursus ab eo qui in nostrate Luna animadvertisit, siquidem hæc non æquatoris nostri sed magis eclipticæ plano obnoxia est, à quo quinque tantummodo partibus exorbitat.

Verum ad Saturni phases revertamur: quo posito ad H Quomodo annularum latitudo sensim cōtrahatur. vel I, vel ex adverso ad O vel P, paulo angustioreni jam annuli ellipsis, eadem tamen qua prius longitudine nobis aspici oportet, quum supra planum annuli minus alterè hoc situ visus noster efferratur. Unde illa phasis exortetur quæ in tabellæ superioris serie octava posita est; vel, minus accuratè perspicere valentibus, ea quæ sexta est efficietur.

Rursus autē eum ad K aut L Saturnus pervenit, vel ad loca hisce opposita N & M, magis adhuc contrahi apparet minorem ellipsis diametrum, quippe magis ex oblique inspectam. Ut jam ea Saturni facies proditura sit quam nos anno 1658 observavimus; quæ minus bonis telescopiis excepta degeneravit in illam quæ quinta in tabella recensetur; pejoribus etiam in trispæricam.

Deinde cum penè quadrante circuli à latissimæ phasœos loco Saturnus remotus invenitur, velut in Q & R, vel S Quomodo patulæ videlicet, ansæ definante. & T; usque eo ellipsis annuli constringitur, ut si qua adhuc rimæ supersit visui pervia, ea tamen propter exilitatem

& reliqui corporis splendorem conspicere nequeat; ac proinde Saturni forma ejusmodi appareat qualem anno 1655 & 1657 nos spectasse supra meminimus, quæ quomodo aliis omnibus haetenus telescopiorum culpâ trisphaerica existimata sit, antea quoque ostensum est.

Sola dehinc rotunda phasis explicanda restat; ad quam priusquam transcam, de inclinatione magnæ Saturni diametri, sive ansarum lineæ, ut supra eam vocavi, pauca annotanda sunt.

*Majorem  
Saturni  
diametrū  
necessario  
Æquatori  
parallelū  
semper vi-  
diri.*

Aio itaque in omnibus praedictarum phasium, posito, ut haetenus fecimus, parallelum esse annuli planum plano æquatoris, necessario fieri ut major diameter Saturni, sive ellipsoes ejus, cui annulus assimilatur, semper æquatori circulo parallela spectetur, planè quemadmodum revera contingere nostris aliorumque observationibus supra probavimus. Quum enim visus noster respectu cælestium in centro æquatoris circuli, atque adeo in plano ejus collocatus sit, cui plano planum annuli parallelum ponitur, necessè est maximam longitudinem annularis ellipsoes eidem æquatori circulo parallelam extendi: eadem prorsus ratione, quâ, si in aëre plano terræ parallelum circulum suspendamus, oculo nostro altiorem, indeque passibus aliquot retro assistamus, major diameter ellipsis quam suspensus circulus visui offert Horizontis circulo æquid distare comperietur. Hoc enim proculdubio eventurum, cuivis vel citra experimentum intelligitur.


*Revera  
tamen mini-  
mum quid  
non mun-  
quam ab-  
errare.*

Esse autem annuli planum plano æquatoris omnimodis parallelum, et si observationibus, quas quidem expendimus haetenus, minimè repugnantibus statuere licuit, exiguum tamē quid deesse, quo minus omnino perfectus sit eorum parallelismus, alia ratione deprehenditur. Etenim si prorsus inter se parallelia forent utraque plana, sequeretur ut cum

in pr.  $\gamma$  &  $\omega$  Saturnus spectaretur, omnium arctissima annuli ellipsis, & quasi recta linea existeret, latissima vero in pr.  $\delta$  &  $\nu$ . Atqui arctissimam annuli phasium in gr.  $20^{\circ}$ ,  $\pi$  &  $\times$  cadere invenimus, ut in sequentibus demonstrabitur, ac proinde latissimam in gr.  $20^{\circ}$   $\pi$  &  $\leftrightarrow$ . Non igitur exactè parallela esse plana annuli & æquatoris hinc patuit, ideoque nec semper revera parallelam, licet ita videatur, magnam Saturni diametrum æquatori circulo fore. Quæsitioque per sphærica triangula, quibus in locis & quanta sit maxima inclinatio, inveni eam gr. 4. 8'. quando Saturnus in gr.  $25, 15^{\circ}$ .  $\pi$  &  $\leftrightarrow$  versatur. Tali nimirum angulo, nec unquam majori, ansarum linea circulum æquatori parallellum per Saturnum transeuntem iis in locis intersecabit, qui cum sit adeo exiguis, vix puto observabilis erit: aliis autem locis multo minus. Nam iis quidem quæ quadrante Zodiaci inde absunt, nempe cum gr.  $25, 15'$   $\pi$  aut  $\times$  Saturnus obtinebit, prorsus parallela æquatori eadem ansarum linea conspicietur. Eclipticæ vero parallela fiet Saturno gr.  $20^{\circ}$   $\pi$  aut  $\leftrightarrow$  tenente: quippe quam in locis per quadrantem circuli inde distantibus, nempe in gr.  $20^{\circ}$   $\pi$  &  $\times$ , maximo angulo intersecat. Hunc autem maximum angulum quo linea ansarum eclipticam intersecat esse circiter gr.  $23^{\circ}$  observationibus anni 1655, 1656 & 1657 apparuit, talemque ad ista supputanda adsumsimus. Fortasse autem, longo sæculorum lapsu, sensim omnia hæc loca mutari continget, simili quodam motu Saturni globum inclinante atque in Tellure nostra est is qui præcessiones æquinoctiorum efficit: atque ita phasium quoque omnium loca transferri necesse erit. Hoc vero non tam facile in cæteris phasibus quam in rotunda patescit, ad cuius considerationem dei nceps veniendum.

*Rotundæ  
phasæos  
causæ.*

Schema itaque superius repetenti manifestum est Saturn-



num integro orbitæ suæ circuitu non posse non ad eum locum bis pervenire, (estò in B & D) ubi planum annuli recta ad nos dirigatur, producuntque in oculos nostros incurrat. Quod quidem in locis è diametro oppositis contingere, inque iisdem perpetuò, si ex Sole Saturni motum prospiceremus : at nunc propter motum Terræ in sua orbita annuum, nonnulla oritur inæqualitas. Annulo igitur secundum latus inspecto, nec nisi rectam lineam referente, quum neutra planarum ejus superficierum appareat, ad nihilum rediguntur brachia ac prorsus intereunt, solo rotundo Saturni corpore quod intueamur reliquo. Cujus phænomeni primum testem Galileum supra commemoravimus, qui anno 1612 simplicem hanc Saturni formam observaverit. Inde verò post annos 30 Gaslendum aliosque complures; ac nos etiam denique anno 1656. Verùm enim

enim si hōc tantum annuli positu ansæ evanescerent, nequam tanto tempore perstare rotunda phasis possit atque observationes testantur, toto enim semestri rotundus Saturnus spectatus fuit. Quamobrem porro quærendum est quæ causa, præter eam quam jam attulimus, ansas quandoque cerni prohibeat: est autem quæ sequitur manifestissima.


Frequenter nimirum evenire constat Saturno circa locos modo dictos B vel D commorante, ut tum hujuscetum Solis respectu ita positi simus, ut si produci planum annuli intelligatur, id inter nos ac Solem transitum sit: velut in schemate superiori, cum Saturnus ptope D consistit, nos autem cum Tellure in E. Quo sit ut illam annuli superficiem quæ solis radiis illuminatur conspicere nequeamus, sed alteram tantummodo quæ tunc umbræ vices patitur. Nulla itaque ne hīc quidem brachia Saturno annulus præstat, sed oculis nostris creptus orbum ac solitarium relinquit. Atque hæc causa ad continuos quinque aut sex menses rotundæ phasi interdum sufficit, uti postea accuratius docebimus.

At non immerito dubitari possit, cur & hōc & præcedenti quoque annuli positu cum planum ejus rectâ ad nos verit, non saltem exterior ejus limbus à Sole illustratus appetat: quid enim dicemus? anne tam tenue esse totum annuli corpus, ut licet revera splendeat extrema ejus margo, exilior tamen ipsa sit quam quæ nostris telescopiis percipi possit? Nequaquam: verū res eadem quæ causam hanc prætexi vetat, eadem veram causam quoque haud dubie suppeditat: fascia nimirum illa reliquo Saturni disco obscurior, quam & rotundo illo apparente, & rursus brachiis aucto, nobis visam narravimus. Hæc ita comparatum esse exteriorem illum annuli ambitum evincit, ut aliqua

*Quid sit  
in Saturni  
disco Zona  
nigra.*

quidem crassitudine præditus sit, verum ejus nature, ut solis lumen, vel nihil prorsus, vel certè leviter admodum reflectat. Quia enim in Saturno etiam brachiis prædicto tractus iste nigricans animadvertisit, nempe cum superficiem annuli eandem quæ à Sole illustratur despicimus; quo positu nulla ejus regio obumbrata oculis nostris obversa est; sequitur nigredinem illam ex alia causa manare non posse, nisi quod ejuscemodi quadam materia annuli margo cooperta sit, quæ non perinde ut reliqua ejus superficies repercutiendo lumini sit idonea. Sic in lunari quoque disco maculas aliquas, cæteris partibus multo obscuriores, cernimus; quæ quidem non planè omni luce defectæ apparent, verùm si æquè procul ac Saturnus à Sole distarent, ubi tantum centesimam partem ejus, quod nunc accipiunt, luminis ab illo mutuarentur, credibile est penitus nobis invisibles fore, nisi quatenus lucidioribus undique terminantur; præsertim si tenuem modo lineam, ut Saturnij annuli margo, constituerent. Alioqui vel illud forsitan dici possit, materiam quandam aquæ similem, aut certè lœvi & splendida superficie præditam, extrema annuli præcingere, quæ unico tantum veluti puncto Solis radios reflectens, nequaquam nobis conspicua erit, ut rationibus opticis clarum est.

Sed quæ ad rotundam phasim attinent ulterius etiam expendamus, in qua plura animadvertenda supersunt. Diximus paulò ante, tunc eam potissimum existere, cum productum annuli planum inter nos Solemque medium transit. Hoc verò quando contingat, quo pæsto cognoscere possumus, atque ex Astronomicis tabulis definire, deinceps explicandum est. Sit itaque denuo Saturni orbita A B C, Telluris annua D E F, locus solis L.



Jam quia positum fuit, Saturni axem, qui ad annuli planum erexitus est, semper sibi parallelum ferri, sequitur communem quoque planorum annuli & orbitę intersectionem uni cuidam linea semper fore parallelam. Esto ea linea per Solem ducta  $A C$ , quæ proinde in cælo locum Saturni æquinoctiorum designabit. Posito igitur Saturno in  $H$ , Tellure verò in  $D$ , utroque ad partem eandem rectæ  $A C$ , verum ita ut minus ab ea Saturnus quam Tellus distet: necessario intersectionis linea planorum annuli & orbitæ Saturni  $H M$ , quæ nimirum ex  $H$  parallela ducitur  $A C$  inter Solem  $L$ , Terramque in  $D$  positam excurret, ac propterea annuli quoque planum manifestò inter utrumque medium incedet. Quod ubi contingit, rotundæ phasi locum

cum esse demonstravimus. Contra vero, cum Saturnus quidem ac Tellus ad eandem partem rectæ AC consi-  
stunt, verum ita ut illa proprius ad eam accedat, ut cum ille est in N, haec in F; utroque casu linea intersectionis annuli atque orbitæ Saturni, ut hinc NQ, quæ nimurum ipsi AC æquidistans acta est, Terram Solemque ab ea-  
dem parte habebit. Unde intelligitur, utrovis positu ean-  
dem annuli superficiem à Sole & nobis aspici: quod requi-  
ri jam supra advertimus, ut brachia Saturni aut ansæ ap-  
parere possint. Quanquam ne sic quidem semper cernun-  
tur, ut postea manifestum fiet.

Saturnus  
quando  
necessario  
rotundus  
spectari  
debita.

Hi autem diversi situs ut ex tabulis Astronomicis parvo negotio cognoscantur, indeque rotunda phasis, quatenus ab hac causa pendet, prædicti possit, sciendum est, quan-  
docunque Saturni locus apparens locusque ex Sole sive ec-  
centricus, diversas partes obtinent ejus loci quem inter fixas designat recta AC, (quam in gr. 20;  $\pi$  &  $\times$  incidere post haec ostendemus) id ejusmodi situm Saturni ac Tel-  
luris indicare qualis in H & D, ut nimurum ab eadem par-  
te ambo reperiatur rectæ AC, atque propior huic Sa-  
turnus consistat; coque tunc rotundam phasin conspicien-  
dari. Illo enim posito, sit Saturnus in H. Primùm  
itaque dico ab hac parte lineæ AC etiam Tellurem con-  
sistere. Etenim si ad alteram partem sita esse dicatur, ve-  
lut in P; liquet rectam ex P ad H ductam & versus fixas porro continuatam, quæ locum Saturni apparentem,  
itemque rectam LH, quæ producta locum ejus ex Sole de-  
monstrat, ab eadem parte puncti æquinoctiorum, quod LA producta inter fixas determinat, utraque ea loca ex-  
hibituras; contra quam possum fuerat. Est ergo Tellus  
necessario ab eadem parte lineæ AC, qua Saturnus H.  
Estò jam ea alicubi puta in D. Quoniam igitur DH ad fi-  
xas protracta locum Saturni apparentem designat, LH  
vero,

vero, uti diximus, locum ejus eccentricum, inter quæ loca intercedere ponitur locus æquinoctiorum quò tendit LA, necessè est rectam DH tandem ipsam LA intersecare, ideoque punctum D, locum videlicet Telluris, amplius distare à linea AC quam punctum H in quo Saturnus. Constat itaque quando locus Saturni apparens & eccentricus ad partes diversas cadent loci æquinoctiorum, necessario tunc Tellurem cum Saturno ab eadem parte rectæ AC inventum iri, atque ita ut minus ab ea Saturnus removeatur. At vero quoties apparens locus Saturni itemque eccentricus ab eadem parte habentur rectæ AC, sive loci æquinoctiorum Saturni, inde certo colligi aio, Tellurem ac Saturnum ita positos esse ut in F & N. Nempe ut vel diversas ad partes ipsius AC collocati sint, vel ad easdem quidem, sed ita ut Saturnus amplius ab ea quam Tellus distet. Ideoque, secundum ante demonstrata, eandem annuli superficiem quæ à Sole illustratur oculis quoque nostris obversam esse. Nam cum LN producta ostendat inter fixas locum Saturni excentricum, FN vero locum ejus apparentem, ac uterque cadere ponatur in partem eandem loci illius quem inter fixas exhibet LC: manifestum est rectam FN ab N porro productam neque secare debere neque parallelam esse rectæ LC, sed semper ab ea magis recedere. Quare necessario punctum F vel propinquius erit rectæ AC quam punctum N, si sint ambo ad eandem partem dictæ lineæ; vel N ad istam, F ad illam partem situm erit. Quod probandum erat.

Denique advertendum etiam, quando vel Saturni locus ex Sole, vel apparens locus incidit in alterutrum æquinoctiorum, quæ determinat producta AC, nempe in gr. 20<sup>i</sup> 1<sup>m</sup> vel 2<sup>m</sup>, necessario quoque rotundam phasim exoriri. Si enim locus ex Sole inibi reperiatur, hoc est, si Sa-

turnus occupet punctum A vel C, tunc planum annuli protractum per Solem transfire liquet: unde sequitur neutrā annuli superficiem tunc luce aliqua perfundi. Rursum vero cum locus ejus apparet in dictos æquinoctij locos, hoc est, quando recta à Tellure ad Saturnum extensa parallela incedit ipsi AC; velut cum Saturnus sit in O, tellus in F, expositu productum annuli planum oculo nostro occurrere constat, quoniam communis ejus intersectio cum plano orbitæ Saturni ipsa est OF recta: Unde fit ut neutrā superficiem annuli, etiamsi altera jam illarum Solis radiis splendeat, conspicere possumus.

*Quenam  
Saturnico-  
lis sint lo-  
ca æqui-  
noctiorum.*

Nunc illud videamus, quemnam Eclipticæ locum teneat recta AC Saturni æquinoctiorum linea: quam quidem in  $\pi$  &  $\times$  gr. 20<sup>i</sup> cadere diximus, verum qua ratione id ex observationibus collegerimus declarandum est.

Saturnum brachiis carentem ac prorsus rotundum spectavimus à Mense Decembri anni 1655, usque in Jun. 1656. Quæ phasis ex ea causa, quam modo retulimus, tanto tempore durare potuit, si linea AC eum ipsum locum obtinere ponatur quem & Saturnus tenebat tunc cum Soli esset oppositus, hoc est,  $\pi$  gr. 20. Hinc enim fieri debuit ut toto illo tempore Saturnus ac Tellus ab eadem parte lineæ AC simul consisterent, atque ita quidem ut Saturnus ei vicinior esset; semel autem eodem momento, neimpe oppositionis tempore, in ipsa AC reperirentur: unde non nisi rotunda phasis potuit existere, sicut ex prædictis intelligitur.

Cæterum uti non admodum verisimile est (etsi fieri potuerit) eo ipso tempore oppositionem illam contigisse cum Saturnus in æquinoctij sui linea AC situs esset, ita non verebimur hanc lineam dimidio gradu emovere loco illo, atque

que in gr. 20<sup>1</sup>  $\pi$  eam transferre; quum hoc positu melius satisfiat aliis rotundæ figuræ observationibus, anni 1642 & 1612, ac nihilo secius nostra illa anni 1656 conciliari queat, ut ex sequentibus liquebit. Posita itaque AC in gr. 20<sup>1</sup>  $\pi$  &  $\times$  sequitur rotundam phasim, ab usque principio Augusti anno 1642, ad Febr. 1643, continuè perseverasse, prossus quemadmodum à Gassendo aliisque fuit adnotatum. Erat enim in eunte Augusto locus Saturni eccentricus in 20 gr.  $\times$ , hoc est, dimidio gradu præcedebat locum æquinoctij: at locus apparens in 24 gr.  $\times$ , atque ita gr. 3<sup>1</sup> eundem æquinoctij locum transierat. Quare superficiem annuli illuminatam Gassendus nequaquam conspicere potuit, sed eam quæ tenebris tegebatur sibi obversam habuit. Et sic quidem locus Saturni apparens eccentricusque perpetuo diversis in partibus loci æquinoctiorum persiste runt usque ad initium fere Febr. 1643, unde non nisi rotunda forma prodire potuit, ut antea demonstratum est.

Idem quoque phænomenon anno 1627, proculdubio sepe obtulit, sed observatorum penuria an supinitate præteriit inobservatum; cum nemo, quod sciam, prodiderit, utrum Saturnus eo anno cum globulis apparuerit an seclusus.

Anno autem 1612, à Galileo primo omnium rotunda facie animadversus est. Scribit is ad Marc. Velserum Epistola de Solaribus maculis 3. circa solstitium quidem illius anni, tricorporem adhuc Saturnum sibi visum, inde vero, cum duobus mensibus atque amplius telescopio cum inspicere omisisset, ut qui nullam formæ mutationem animo præsagiet, postea nihil minus cogitanti solitarium oblatum, talemque deinceps in illam usque diem, quæ prima Decembris erat, permanisse. Quæ quidem observatio ha-

Etens hypothesi nostrae consentit, ut si eo transitu linea<sup>x</sup>  
 AC rotundus apparere Saturnus debuerit, id hoc anno  
 neque alio accidere fuerit necesse. Sed cum pertotum  
 hunc annum Saturni locus, quā apparen<sup>s</sup>, quā eccentricus,  
 ab eadem parte manserit loci æquinoctiorum, sive x gra-  
 dus 20<sup>o</sup>; videbatur ex præcedentibus colligendum, sal-  
 vis brachiis suis cum præterlabi potuisse, quod tamen contra  
 evenit. Et sexto quidem Septembri. dicti anni 1612,  
 quo tempore jam rotundus Galileus reperit, erat ejus locus  
 ex Sole simul & apparen<sup>s</sup>, in gr. 14, 44<sup>o</sup> x. Hoc est g. 5.  
 46' citra locum æquinoctij sui. Adeo ut solares radij at-  
 que ij qui à visu terricolarum fluebant in eandem annuli Sa-  
 turnij superficiem incidenter: non tamen angulo g. 5.  
 46' desuper in planum ejus directi, sed gr. 2. 15' duntaxat.  
 Hic enim elevationis angulus, ut hoc obiter adnotemus, sic  
 se habet ad illum gr. 5. 46', quo Planetæ locus distat ab æ-  
 quinoctio suo, quemadmodum apud nos declinatio So-  
 lis ad ejusdem ab æquinoctio distantiam. Quandoqui-  
 dem non aliud respe<sup>c</sup>tū Saturni est planum annuli sui, atque  
 nobis est planum æquatoris, similique etiam angulo ad c-  
 elipticæ planum inclinatur. Proinde cum cognita est di-  
 stantia loci Saturni eccentrici ab æquinoctio suo, si scire  
 libeat quali angulo Solis radij in superficiem annuli deferan-  
 tur; quærendum in tabula declinationis Eclipticæ, qualis  
 apud Astronomos in usu est, quanta sit declinatio loci ali-  
 ejus qui tantundem à princ. Arietis absit. Ea enim est ip-  
 se angulus quæsus. Ac simili quoque ratione cum data  
 erit distantia loci Saturni apparentis ab æquinoctio suo, hoc  
 est, à gr. 20<sup>o</sup> m<sup>r</sup> aut x, invenire licebit quonam angulo desu-  
 per planum annuli nos inspectemus; qualemque propterea  
 ellipsin ille nobis exhibere debeat. Ex eadem nimirum ta-  
 bula capiendo declinationem huic distantie à pr. Arietis  
 respon-

respondentem, quæ declinatio rursus hîc quæsitum angulum æquat. Quorum demonstrationem adferre operæ pretium non est, quippe quam Astronomiæ periti facile perspicient.

Illud verò videndum, qui evenerit ut visu nostro ac Sole simul supra planum annuli plus quam 2 gr. altis, nullum tamen brachiorum apud Saturnum vestigium apparuerit. Anne hæc fortasse causa fuit quod ellipsis annuli, tam oblique inspecta ut magis tenuissimæ lineæ similitudinem præferret, exiliorem lucem emittebat quam quæ Galilei tubo percipi posset. Hoc quidem non improbabile videri queat, nisi codem tubo, circa solstitium ejusdem anni 1612, brachia Saturni sive bini illi, ut tum putabant, satellites Galileo animadversi fuissent, quo tempore Saturnus observabatur circa gr. 18, x. hoc est gr. 2 $\frac{1}{2}$  ab æquinoctio suo remotus, ideoque visus noster vix uno gradu plano annuli superior. Etenim si hoc positu brachia cerni potuere, multo clarius cerni debuissent tunc cum gr. 2.15' supra idem planum visus extolleretur, initio nimirum Septembr. magisque etiam 14 Nov. ejusdem anni 1612, tempore stationis Saturni; quia tunc gr. 11. 10' x tenebat, eoque gr. 9. 20' ab æquinoctio suo aberat, adeo ut angulo gr. 3.42' radij visus in planum annuli descenderent. Atqui hîc, vel certe circa hæc loca brachiorum expers mansit, quum fatis utique diligentem ac intentum observationibus Galileum fuisse per eos dies credibile sit, qui rotundæ phaseos miraculo nuper esset excitatus.

Itaque in tenuitatem brachiorum, cur ea penitus latuerint causa conferri non potest. At neque transponendo amplius Saturni æquinoctiorum locum, quicquam proficiimus; ne quidem si mobilem statuamus lento quodam progres-  
su, ad similitudinem nostrorum æquinoctiorum, quæ sen-

sim in præcedentia referuntur. Quamobrem non aliam hujus rei causam esse crediderim quam quæ nunc dicuntur.

Certum est cognitæ que experientiæ , superficiem quamlibet ab eodem lumine plus minusve illustrari , prout directis vel obliquis radiis exposita est : quod & à Galileo , dialogo 1. de Mundi systemate , optimè est demonstratum. Quamobrem cum exiguo admodum angulo supra annuli Saturnij planum Sol attollitur , puta gradus unius vel duorum vel etiam duorum cum dimidio , hoc est , cum Saturni locus eccentricus non ultra gr. 6. ab æquinoctio suo absit , etiam prætenui tantum luce annuli superficies à Sole impertietur. Hanc autem , ita leviter splendentem , verisimile est à meris tenebris nos discernere non posse , præsertim Saturnij globi vicino fulgore præpeditos ; eoque ansas tunc nullas animadverti. Qua tamen in re illud ante omnia statuere necessæ est , superficiem annuli non esse asperam montibusque obsitam , veluti maxima ex parte Lunæ nostræ est superficies : sed æqualem planamque velut in iis Lunæ regionibus , quas nonnulli maria esse ob insiginem planiciem arbitrati sunt.

Alioqui enim , sicut Luna plena circa disci sui extrema , ubi tamen obliquos Solis radios excipit , nihilo languidiori lumine quam versus medias partes cernitur , scilicet quia illic tota montosa atque aspera est , ita annuli quoque superficies si simili natura prædita foret , non secus oblique incidentibus radiis quam directis splendesceret. Quamobrem necessario plana , uti diximus , censenda est. Atque hinc jam intelligere licet cur Galileo à Mense Septembri anni 1612 usque in Febr. 1613 , quoad nempe Heliace Saturnus occideret , nullæ circa eum ansæ conspicerentur. Quia nempe inde à Septembri continuè locus Saturni eccentricus

ad æquinoctij locum appropinquavit, eoque altitudo Solis supra annuli planum, quam initio Sept. tantum gr. 2. 15' fuisse diximus, simul imminuta est. Pari ratione nec Gaf-sendus brachia ulla percipere potuit mense Febr. anni 1643. et si tunc quoque Sol oculusque observantis eandem annuli superficiem intuebantur; scilicet quia Saturni locus eccentricus in gr. 26. non inveniebatur, hoc est 5<sup>1</sup> gr. à loco æquinoctij, eoque altitudo Solis supra annuli superficiem tan-tum g. 2. 11'. Denique & anno 1656, mensis Martij diebus aliquot, quibus similiter eadem annuli superficies ad nos Solemque spectabat, multo minus brachiorum ullum vestigium apparere debuit, quod nunquam dimidio gr. supra planum annuli Sol attolleretur. Nam reliquo tempore fulsionis illius, diversas partes loci æquinoctiorum locus Saturni ex Sole atque observatus locus obtinebant, unde ex superius allata causa brachiorum exper-tem cerni oportuit.

Neque verò magis conspicuum nobis annulum fieri credendum est, si altius supra planum ejus oculus attollatur, Sole tamen ex obliquo tantum radiis suis cum perstrin-gente, quemadmodum contigit dicta Saturni statione ad 14 Nov. 1612; quippe quo tempore Sol gradu. 1. 36' su-pra planum annuli ascenderat, visus autem noster gr. 3. 53'. Idem enim in quacunque plana superficie experiri licet, in quam si à latere radij luminis incident, non apparebit il-lustrior quoque in loco visus statuatur, sed tum demum, si radios à lumine restiores accipiat. Ut contra quoque si amplius ad lumen obversa directiusque illuminata fuerit, non refert quām obliquè in eam radij visus incident, sed un-decunque spectata æque lucida apparebit. Atque ita sit ut cum Sol paulo altius supra planum annuli sese extulit, tri-bus puta gradibus aut paulo amplius; visa licet nostro non nisi

niſi uno gradu extante ; splendere jam nunc annulus incipiat, Saturnoq; brachia adnascantur. Sicut anno 1612. circa solſtitium accidit , Saturno ex Sole circa gr. 12.  $\times$ , hoc eſt , gr. 8 $\frac{1}{2}$  ab æquinoctio ſuo agente , ac proinde Solis altitudine ſupra planum annuli graduum 3.23 : Galilei verò oculo vix uno gr. ſupra idem planum elevato. Videbatur enim Saturnus in gr. 18.  $\times$ , hoc eſt 2 $\frac{1}{2}$  gr. à loco æquinoctii , quæ diſtantia dat declinationem gr. unius.

*Saturnus  
brachiorum ex-  
pers fu-  
turus quo-  
modo co-  
gnoscatur.*

Ut igitur ſecundum hæc de rotunda phasi iudicium feratur , illud in primis respicere oportet , quod gradibus ab æquinoctio ſuo , hoc eſt , à gr. 20 $\frac{1}{2}$   $\varpi$  vel  $\times$  , Saturni locus eccentricus abſit. Ac mihi quidem phænomena antecedentia expendenti , videtur ita ſtatuerūdum , ut quoties non amplius quam 6 gr. circiter in alterutram partem , à dictis locis Saturni locus ex Sole diſtabit , nunquam brachia ejus conſpici queant , quicunque demum oculi nostri ſitus fuerit ; hoc eſt , nulla ducta ratione Saturni loci apparentis. Quod tamen ita accipiendum eſt , ſi perspicillis non melioribus quam quibus Galileus & Gaffendus uſi ſunt Saturnus inſpi-ciatur. Nam fi nostris ſimilia adhibeantur , forſitan jam in illa 6 graduum diſtantia tenui quoddam brachiorum exordium percipi poſſit. Certè anno 1656, 13. Oct. renata illa vidimus , cum Saturni locus ex Sole tantum gradibus 6. 46'. æquinoctii ſui punc̄tum prætergressus eſſet. Erant autem æquè conſpicua ferè atque ante phasim rotundam , anno 1655. At ii qui minoribus telescopiis eum tunc obſer-vitabant , ut Joh. Hodierna , penè adhuc rotundum repe-rebant : ait enim is , tantum tenuiſſimos quosdam veluti ra-diōs utrinque è lateribus Saturnum vibrare viſum. Quām obrem nostris telescopiis fortaffe arctiores paulo prædicti limites ſumendi ſint ; quod tamen minimaū quid erit , ſe-quentiumque annorum experientiā definiendum.

Rur-

Rursus cum amplius 9. gradib. vel forsitan supra 8. gr. soli, ab æquinoctiis suis sive  $20\frac{1}{2}$  gr. non autem locus Saturni eccentricus distare invenietur, jam inde brachiis ansisive præditum dicemus: nullâ ne hic quidem apparentis loci consideratione, quoniam hinc jam apparet locus & eccentricus ab eadem parte loci æquinoctialis habentur; ac propterea eadē annuli superficies, per ea quæ supra demonstrata sunt, Soli & visui nostro obversa est, idque ita ut Sol plus tribus gr. supra ipsam elevatus sit, visus vero noster ut minimum gr. uno: quo sit ut brachia saltuia animadvertisse debeat.

At cum nondum gr. 8 aut 9, plus verò quam senis, eccentricus locus Saturni à  $20\frac{1}{2}$  gr. non autem aberit, videtur etiam apparet locus expendendus esse, nempe circa quadratum quem vocant Saturni cum Sole aspectum. Fieri enim poterit ut non ultra gradus unius semissem locus apparet ab æquinoctij loco remotus sit, ideoque visus noster tantum 12' super annuli superficiem exurgat; quæ cum à Sole simul debiliter illuminetur, vix puto se videndam præbebit. Quum autem duo contingant quadrati aspectus singulis Saturni fulsionibus, priori eorum ita demum illud quod diximus perpendere opus erit, si locus planetæ ex Sole præcedat gr.  $20\frac{1}{2}$  non autem, posteriori verò non nisi sequatur. Nam si secus fuerit jam certo brachiis auctus cernetur.

Et sic quidem quod maximè perplexum in toto hoc negotio inerat, nulla dissimulata difficultate, pertractavimus. Illud enim inquirere voluimus an certis locis rotunda phasis alligari posset, ita ut omnibus huc usque observatis fieret satis. Quod & præstitimus tandem, etsi arctis adeo limitibus circumscripsi, ut ne minimum quidem ultra citrave ab iis discedere salvis apparentiis licuerit. Simul ve-

rò hoc operæ pretium fecimus, quod de futuris Saturni phasibus haud dubia prænuntiare in posterum licebit. Etenim si modo tabularum Astronomicarum ope inveniatur, quo tempore Saturni locus ex sole sive eccentricus, cadat in gr. 20, 30'  $\pi$  vel  $\times$ ; senis mensibus qui id tempus præcedunt totidemque sequentibus brachia nulla percipi posse manifestum erit; quoniam scilicet in menses singulos gradu uno Planetæ locus ex Sole promovetur. Præterquam quod aliquando uno etiam atque altero mense citius rotunda phasis existet, aliquando tanto diutius videri perseverabit; si nempe quadrante cæli per id tempus Saturnum à Sole distare contingat, locusque Planetæ eccentricus, ea qua diximus lege, præcedat vel sequatur  $\pi$  aut  $\times$  gr. 20. 30'.

Secundum hęc igitur, quoniam in gr. 20, 30'  $\times$  incidit locus eccentricus die 12 Jan. 1672, existimo anno 1671 & 1672 Saturnum brachiis cariturum; non toto utriusque anni tempore, sed hoc pacto, ut mensibus quidem Aprili, Mayo, Junioque anni 1671, nondum iis spoliatus cernatur, sed tenuia etiamnū utrinque extent qualia sub finem anni 1656 observavimus. Julio autem aut Augusto gracilescant prorsus tandemque dispareant & rotundum Saturnum relinquant. Quo vultu non tantum ad Heliacum occasum usq; conspiciendus erit, hoc est usq; ad finem Februarij anni 1672; sed eundem quoque exoriens rursus mense Aprili referet, nec amittet nisi Julio mense aut Augusto. Circa hoc enim tempus ad crescere denuo brachia cernentur, ac paulatim evidentiora fieri; tandemque etiam singula prope medium Saturni orbem bifida evadent, quemadmodum ab anno 1656 deinceps augeri ea vidimus.

Manebunt autem ad annum usque 1685, quando rursus eva-

*Quibus  
tempori-  
bus rotun-  
da phasis  
reverfura  
sit predi-  
citur.*

evanescentia spectare continget, nempe circa Martij initium. Inde rotundus planeta observabitur per annum integrum, excepto eo tempore quo propter Solem delitescit. Adeo ut mense Martio sequentis anni 1686 brachia demum recuperaturus sit, sed tenui tantum incremento quandiu illa vice visendus erit. Locum Saturni ex Sole repetrio in gr. 20 $\frac{1}{2}$  m die secunda Sept. anni 1685, unde prædictas vicisitudines consequi necessè erat.

Rursus verò anno 1701, 15 Jun. redit Saturni locus ex Sole ad  $\text{\textcircled{X}}$  gr. 20,30'. Unde circa finem anni 1700, principiumq; 1701, priusquam Heliace occidat, rotundus lucebit, ac porro quoque ubi jam ex Solis radiis emerserit, ea facie permanebit ad initium usque anni 1702: à quo tempore ad occasum usque Heliacum tenuia fortasse brachia cerni poterunt. Absque dubio autem, mense Majo ejusdem anni, cum denuo observari cœperit, restituta inventur.

Atque ita porro singulis quatuordecim aut quindecim annis, nimirum bis ad singulas Saturni in sua orbita revolutiones, rotunda forma conspicienda dabitur; neque enim unquam æquinoctij sui locos transfere quin brachia amittat potest. Ac facile quidem accurata mutationum ejusmodi tempora vestigiis nostris insistendo, quilibet in posterum præfiniet, certiusque etiam ubi renascentes Saturni ansas conspicerit.

Cæterum ad eos observandos, quos hic adnotavimus, alatae formæ ad rotundam transitus, Astronomos omnes intentos esse cupimus. In quorum prædictione si à veritate aut nihil aut pauxillum tantum aberrasse nos invenient, tum procul dubio causas quoque horum phænomenon germanas qualesque revera sunt sibi explicitas credant. Sin

longè hallucinati fuerimus, adeo ut brachiis præditus planeta cernatur, quo tempore ex sententia nostra vel maximè is carere deberet; indicio id erit, quædam circa rotundam phasim accidere nobis nondum fatis perspecta, nec ulli mortalium forsitan pervidenda. Nec tamen annuli propterea hypothesis rejiciendam existiment, quandiu reliquis quæ circa ansas animadvententur ad amissum, uti haec tenus, consentiet.

Porro in hisce ansatis Saturni phasisbus, cum nulla adeo subita mutatio locum habeat, ideo nec tempora singulorum tam accuratè ut in rotunda distinguere necesse fuit, sed in universum scire sufficit, phasim ansatarum latissimam medio tempore inter duas rotundas incidere; ut proinde circa annum 1663 & 1664 illa reversura sit; iterumque anno 1678 & 1679; ac postea anno 1693. Reliquis enim inter istos intercedentibus annis, tanto angustior anniuli ellipsis cernetur, quanto magis rotundæ phasos tempus imminebit. Et haec tenus quidem corum quæ circa Saturnum observantur causas ac tempora digessimus.

Nunc fortasse haud alienum proposito videatur, si quæ admodum ex nostra hac statione hucusque systema ejus contemplati sumus, ita ad ipsius Saturni globum deinceps cogitationem transferamus, atque illud dispiciamus, qualis inde universi facies, quænam futura sint intervalla annorum mensium ac dierum, quæve æstatis hyemisqne vicissitudo, ac præsertim qualia ob annulum planetæ circundatum contingere eum inhabitantibus necesse sit: ut non nunquam longo tempore aliquos conspectu Solis privet, aliàs rursum nocturnas tenebras imminuat, arcus lucidi specie horizonti illorum superstans. Verum eo labore superfedere rectius arbitror, tum quod Astronomiæ gnaris singula

*Quando  
latissimæ  
omnium  
ansæ ap-  
paritura  
sint.*

gula hæc expendere, sibique ob oculos ponere, non sit difficultè futurum; tum quod in his ipsis multi sint, (ut alios mittam) quibus otiosa & inanis ejusmodi disquisitio videretur; ac tanto quidem magis, quanto absurdius putant ut animantia aliqua ratione prædicta Saturnum ac reliquos Planetarum incolere credamus.

De magnitudine autem Saturni ejusque à terris distantia  
operæ pretium videtur ut sententiam nostram his subjiciamus, siquidem & alio modo illas inquisivimus quam quo fieri solet, & aliquanto aliter de ultraque statuimus. Nem-  
pc sphærulam illam annulo cinctam quam sub exiguis mo-  
dolineamentis spectavimus, diametrum quindecies circiter majorem habere, quam nostra hæc in qua degimus ter-  
ra, putandum est; abesse autem à nobis, cum proxima est,  
terræ diametris 100344; cum longissimè distat, 122000.  
Quæ quidem sequenti ratiocinio nituntur.

*De Saturni magnitudine & à terris distantia.*

Docuit nos novo suo ac divinitus invento systemate Co-  
pernicus, quamnam inter se proportionem servent singu-  
lorum à Sole Planetarum distantiae, apparentes vero eo-  
rundem diametri quanto aliæ aliis maiores sint telescopij  
ope innotescit. Collatis ergo invicem rationibus utrisque,  
tum distantiae tum magnitudinis apparentis, vera inde pla-  
netarum ad se mutuo, nec non ad Solem magnitudo cognoscitur. Et ad Saturnum quod attinet, primùm annuli ejus  
diameter, quum in minima à nobis distantia comprehen-  
datur angulo sexaginta & octo scrupulorum secundorum;  
talem enim ad summum reperimus; cumque minima hæc  
Saturni distantia ad mediocrem Solis distantiam sit fere oc-  
tupla; sequitur, si tam propinquus nobis fieret Saturnus  
quam Sol in distantia mediocri, apparituram tunc annuli  
diametrum octuplam ejus quæ nunc apparet, hoc est 9°4'.

*Quanta  
apparet  
major Sa-  
turni dia-  
meter.*

Solis autem diameter in media distantia est 30', 30''. Ergo revera ea erit proportio diametri annuli Saturnij ad diametrum Solis quæ 9', 4'', ad 30', 30'', hoc est, fere quæ 11 ad 37. Diameter verò Saturni ipsius, quam superius diximus ad annuli diametrum se habere ut 4 ad 9, hoc est fere ut 5 ad 11, ad diametrum Solis erit paulo minor quam 5 ad 37.

Quanta vero sit Saturni diameter ad Telluris diametrum collata haud eque certo definiri potest. Astronomi ita hoc investigant, ut primò intervallum inter terram ac Solem ad certum terrestrium diametrorum numerum revocent, inde quæsitam magnitudinem rationem eliciant. At in illo Solis terræque taxando intervallo nimium quantum inter se dissentunt; nec mirum, quum nulla adhuc tolerabilis methodus ad dimetiendum hoc spatium reperta sit. Nam si ve per Eclipses sive per Lunæ dichotomias id deprehendere conentur, facile ostendi queat inanem operam sumi. Quare mihi quidem unica illa, quam dicam, ratio reliqua esse videtur, qua saltem verisimiliter de Planetarum omnium ad terram magnitudine ac distantia statui possit. Telescopio diametri Planetarum apparentes explorentur; ex his singulorum deinceps ad Solem comparata magnitudo investigetur, ut de Saturno modo exemplum dedimus; omnibusque perpensis, ea Telluris ad cæteros assumatur magnitudo, quæ totius systematis ordini aptaque dispositioni quam maxime congruere videbitur. Ita cum proportio diametrorum Telluris ac reliquorum Planetarum ad Solis diametrum constituta fuerit, constetque insuper quot suis diametris Sol à nobis distet, ex angulo videlicet quem subtendit diameter ejus apparet, jam terræ quoque ad Solem magnitudo nota erit; atque unâ Solis distantia, tunc à

à terra tum à cæteris Planetis, Terræ diametrī estimabitur.  
Hanc itaque nunc viam ingredi placet, ideoque sicut Saturnū-  
num cum Sole modo comparavimus, ita de reliquis quoq;  
simile examen instituemus.

Jovis diameter, cum proximè nobis adest, sexaginta qua-  
tuor secunda scrupula comprehendere mihi videtur; quum-  
que hæc ejus distantia ad medianam Solis distantiam sit ut 26  
ad 5, hinc si fiat ut 5 ad 26 ita 64" ad aliud, invenientur  
5', 35", amplitudo anguli quem obtineret Jovis diameter  
si tam propinquius nobis fieri intelligatur atque Sol in di-  
stantia mcdiocri. Sol autem hîc appetat diametro 30',  
30". Ergo Jovialis diametri ad Solarem hæc proportio  
erit quæ 5', 35" ad 30', 30", hoc est paulo major quam 1  
ad 5 $\frac{1}{2}$ .

Accuratè etiam diametrum Veneris dimensus sum, ea  
quam postmodum exponam methodo, invenique cum ter-  
ris proxima est, non majorem fore quam octoginta quin-  
que secundorum scrupulorum. Est autem distantia hæc  
Veneris perigæ ad medianam Solis à Tellure distantiam cir-  
citer ut 21 ad 82. Ergo si apud Solem Venus consisteret  
appareret ejus diameter duntaxat 21", 46"". Unde con-  
stat ita esse diametrum Veneris ad Solis diametrum ut 21",  
46" ad 30', 30", hoc est ut 1 ad 84.

At Martis diametrum terris proximi non excedere 30"  
deprehendi, etsi observatione non tam exacta quam qua  
in Saturno Jove & Venere usus sum, quippe cuius rationem  
novissimo Martis ad Tellurem accessu nondum invenc-  
ram. Unde quum distantia Martis minima sit ad medio-  
crem Solis ut 15 ad 41; colligitur ratio diametri Martis ad  
diametrum Solis ea circiter quæ 1 ad 166. Mars itaque du-  
plo minor Venere secundum diametrum hac ratione effici-  
tur.

tur. Atque adeo manifestum est in Planetis non ubique eum servari ordinem, ut qui remotiores à Sole sunt iidem quoque majori sint mole: nam & Jovis sphæra Saturno sine annulo major inventa est. Quo fit ut minus liquido de Terræ ad cæteros Planetas proportiōe æstimatio iniri possit. Nam si pro ratione ordinis magnitudines essent attributæ, ut Saturnus Jove major esset, Jupiter Marte, hic Venere, hæc Mercurio; inde quidem penè certo colligere liceret, Telluris magnitudinem esse inter Martem Veneremque medianam. Cum verò in aliquibus contrarium deprehendatur, non æquè quid sequendum sit apparet. Veruntamen ut quatenus fieri potest totius systematis concinnitas observetur, id nunc quoque maximè consentaneum videtur, ut sicut loco media Terra est inter Martem & Venerem, ita quoque sit magnitudine. Martis diametrum diximus diametri Solis esse  $\frac{1}{12}$ ; Veneris vero diametrum  $\frac{1}{4}$ . Inter utramque medium igitur terræ diametrum ponendo fiet ea  $\frac{1}{4}$  diametri Solis. Hujus autem  $\frac{1}{4}$  diametro Saturni æquales repertæ sunt; ergo Saturni diameter Telluris diametrum continebit quindecies, diameter vero annuli Saturnij eandem Telluris diametrum circiter trigesies & quater. Unde eximia horum corporum magnitudo cognoscitur; quæ sane omnem ab aliis hæc tenus traditam facile exuperat.

Hinc verò & intervallum inter Terram ac Solem necessario omnium existimatione majus conflabitur. Si enim diameter terræ diametri Solis  $\frac{1}{12}$  continet; Solis autem diameter suæ à nobis mediae distantiaæ  $\frac{1}{13}$  æquat, ut sequitur ex eo quod diameter ejus observetur  $30', 30''$ ; erit certè Terræ diameter  $\frac{1}{13} \cdot \frac{1}{12}$  distantiaæ quæ est inter ipsam ac Solem. Deinde cum Saturni minima distantia sit ad medium Solis distantiam ferme octupla, hinc Saturni cum Terræ proximus

mus est, distantia habebitur diametrorum terrestriū 100344; cum verò plurimum aberit, circiter 122000.

Fatcor equidem lubrica catenus ratione hæc niti, quatenus nimirum Terræ magnitudinem inter Martem Veneremque medianam adsumsimus, nullo nisi verisimilitudinis arguento: adeoque vel millenis aliquot Terræ diametris facile à veritate aberrari potuisse. Verùm ut jam duplo majora minorave quam re ipsa sunt intervalla ista definiverimus, aut triplo etiam; non tamen parum videri debet hæc tenus saltem mensuram eorum comprehendisse, quum alia nulla ratio suppetat qua non vel decuplo major error timendus sit. Ita enim omnino existimo. Ad reliquum verò calculum quod attinet, quo Planetarum diametros Solis diametro comparavimus, sciendum est nihil in eo conjecturæ tribui, sed ex iis quæ data sunt certa ratione illum procedere. Atque adeo positis iis Planetarum diametris apparentibus quas à nobis observatas diximus, non posse non Solis diametrum ad diametrum annuli Saturno circumdati esse habere ut 37 Diametri  
Solis ad  
Planeta-  
rum dia-  
metros ra-  
tio.  
ad 11, ad diametrum vero Saturni ipsius, ut 37 ad 5; ad Jovis diametrum ut 11 ad 2, ad Martis ut 166 ad 1; ad Veneris ut 84 ad 1. De Mercurio non definiam priusquam ritè eum dimensus fuero; quod hæc tenus non successit, cum ob exilitatem sideris, tum quod horizonti plerumque vicinum inventiatur, ubi vapores è Terra surgentes tremula quadam refractione figuram ejus præcisо ambitu terminari non sinūt. Patet autem & Saturnij globi diametrum ad diametrum Jovis rationem habere quam 55 ad 74; diametrum vero Martis continere amplius quam vicies & bis, ad Veneris diametrum esse ut 34 ad 3. Jovis item diametrum diametri Martis amplius quam triceplam esse; diametri vero Veneris amplius quam quindecuplam; ac denique Martis diam. ad diametrum Veneris circiter subduplum. Quæ omnes

nes proportiones ratæ fixæque permanent, quantacunque distantia Solem inter ac Tellurem statuatur, si modo apparentes diametri quales tradidimus retineantur. Hasce autem quo modo observaverimus denique dicendum est, atque eo magis quod longè ab aliorum sententia alicubi recedamus: veluti cum Veneris diametrum triplo minorem afferimus quam à Ricciolo definita est, qui tamen summa cura circa hæc versatus videtur. Nostrum igitur artificium est hujusmodi.


*Ratio obseruandi  
Planeta-  
rum dia-  
metros ap-  
parentes  
accuratis-  
sima.*


Locus quidam est intra tubos qui Solis convexis vitris instruti sunt, circiter altero tanto amplius quam convexum oculare ab oculo distans; quo in loco si quid intra tubi cavitatem visui objiciatur, quantumvis subtile aut exiguum, id distinetè proflus ambituque exquisitè terminato conspicitur, atque ita pro ratione latitudinis suæ partem aliquam rei lucidae, velut Lunæ per telescopium spectatae, visui subducit. Exacta loci determinatio, his quibus nullo vitio visus laborat, in focum convexitati ocularis cadit; myopi aliquanto propinquius punctum accipiendum est, contraque, qui tantum à longinquò clare vident, paulo remotius; quod experientia protinus docere potest. Hic igitur si primò annulus statuatur cum foramine paulo angustiore quam sit vitium ipsum oculo proximum, eo tota tubi apertura, sive spatium circulare quod uno obtutu in cælo detegitur, precisâ circumferventiâ descriptum habetur. Cujus spatij diameter, quot scrupula comprehendat, aliquo paecto inquirendum est, atque optimè quidem ex transitu sideris alicujus, cuius tempus numeretur vibrationibus perpendiculari, vel ope Horologij nostri oscillatorijs nuper inventi, telescopio interim immoto manente. Scimus enim 4 scrupulis horariis unum cæligramdum & exiguum quid amplius transfire: ideoque si verbi gratia numerentur scrupula secunda 69 interea dum stella quæ-


quædam fixa totam telescopiij capacitatem emetitur, argu-  
mēto id erit  $17\frac{1}{4}$  scrupula prima, telescopiij hujusmodi aper-  
tura comprehendendi, sicut nostro evenit. Quo invento virgu-  
lam unam atq; alteram ex ære aliave materia parare opor-  
tet, de crescente paulatim latitudine, tubumque perforare u-  
trinque circa locum illum paulo ante memoratum, quo pos-  
fint in ipso ejus puncto virgulæ transversæ ante oculum ob-  
tendi. Cum igitur Planetæ alicujus diametrum metiri cupi-  
mus, adhibitâ eo quo diximus loco virgulâ, notandum est  
quænam hujus latitudo totum Planetam contegere possit.  
Eâ enim latitudine acuto deinde circino acceptâ, atque ad  
totius foraminis amplitudinem collatâ, Planetæ diameter  
apparens faciliter ratiocinio innotescet. Sic die 29 Dec. 1658  
diametro Veneris invenimus convenire virgulam cujus la-  
titudo æquabat  $\frac{1}{20}$  totius foraminis: est autem hoc, uti dixi-  
mus,  $17', 15''$ . Ergo Veneris diameter erat  $51'', 45''$ . Di-  
stantia autem Planetæ ad minimam suam à Terris distanti-  
am se habebat circiter ut 27 ad 16, ergo diameter ejus ter-  
ris proximæ efficitur  $87'', 20''$ . Rursus anno 1659, 8 Mart.  
hora 6 mat. Veneris diametrum observavimus quæ æqua-  
bat  $\frac{1}{7}$  aperturæ telescopiij. Ideoque erat  $61'', 30''$ . Distan-  
tia autem eo tempore ad minimam Veneris à terris distan-  
tiam se habebat ut 43 ad 316, ergo diameter ejus maxima  
sit  $83'', 40''$ . Sed & alias eadem methodo semper tantum  
paulo majorem minoremve invenimus, nam sæpius ex-  
amen hoc repetivimus, atque ex omnibus medium quid su-  
mentes,  $85''$  pro maxima Veneris diametro supra statui-  
mus. Hanc autem Ricciolus  $4', 8''$ , taxavit, atque adeo triplo quam nos majorem existimat, sed procul du-  
bio nuda illa oculi æstimatione, qua hîc usus est, in  
tantum deceptus fuit. Nam Saturni Jovisque diametros,  
quas methodo certiori, appulsa nimirum ad fixas in-  
stigavit


stigavit, eadem fere qua & nos amplitudine definiit, paullum tantum excedens: Saturni enim maximam 72" continere afferit, Jovis item maximam 68", quæ mihi sunt 68" & 64". Certum autem est non magis in Venere, quam in Jove aut Saturno dimetiendis, errori obnoxiam esse rationem nostram. Et Veneris quidem diametrum Hevelius quoque, ad Lunę maculas instituta comparatione, tantum 82" se invenisse testatur cum circa perigaeum versaretur, unde diameter ejus maxima non multum sanè nostram superabit. Porro illud in methodo à nobis tradita commodissimum accidit, quod nec Lunæ, nec sideris cuiusquam conjunctionem, cum eo quem metiri volumus planeta, operiri necesse est, sed omni tempore ejus usus conceditur. Nec ad planetarum tantum diametros pertinet, sed ad lunares quoque maculas accuratè describendas, comitumque Jovialium distantias accipiendas rectissimè adhibebitur. Ad planetarum autem diametros longis atque optimæ notæ telescopiis opus esse sciendum est. Nec negligendum in Venere ac Mercurio, ut fuligine leviter inficiatur lens oculo proxima, quo perfectius planetę ambitus circum terminetur.


F I N I S.















EAGLE RECYCLED USA 1101